

四庫全書

子部

欽定四庫全書

子部

御定淵鑑類函卷一百七十五

詳校官閣學士臣莊圖

主事臣祁韻士覆勘

總校官檢討臣何思鈞

校對官中書臣高中

謄錄監生臣王爾熙

欽定四庫全書

御定淵鑑類函卷一百七十四

禮儀部二十一

冠 天子加元服
皇太子冠 女笄

冠一

增釋名曰冠者貫也所以貫軀髮也 與服志曰聖人

見鳥獸有冠角頽胡之制遂作冠冕纓綏 原禮記曲

禮曰二十曰弱冠 增又曰男子二十冠而字

漢戴聖云男子

陽也陽成於後陽氣起於二終於二十謂之小成而冠
孔穎達云十九以下為弱身有德行幼為大夫則不待

二十而冠

原郊特牲曰冠義始冠之緇布之冠也太古冠

布齊則緇之其緇也孔子曰吾未之聞也冠而敝之可

也適子冠于阼以著代也醺于客位加有成也三加彌

尊諭其志也

始加緇布次皮弁次爵弁冠益尊則志益大也

冠而字之敬其名

也增又曰委貌周道也章甫殷道也毋追夏后氏之

道也周弁殷皐夏收三王共皮弁素積無大夫冠禮而

有其昏禮古者五十而後爵何大夫冠禮之有諸侯之

有冠禮夏之末造也內則曰二十而冠始學禮可以

衣裘帛舞大夏惇行孝弟博學不教內而不出 原冠

義曰冠而後服備服備而後容體正顏色齊辭令順服

未備未可求
以三始也

增又曰古者冠禮筮日筮賓所以敬冠

事敬冠事所以重禮重禮所以為國本也見于母母拜

之見于兄弟兄弟拜之成人而與為禮也元冠元端奠

摯于君遂以摯見于鄉大夫鄉先生以成人見也成人

之者將責成人禮焉也責成人禮焉者將責為人子為

人弟為人臣為人少者之禮行焉故曰冠者禮之始也

嘉事之重者也是故古者重冠重冠故行之于廟 曾

子問曰父歿而冠則已冠埽地而祭于禰已祭而見伯

父叔父而後饗冠者 小記曰丈夫冠而不為殤 原

儀禮士冠禮曰筮于廟門

廟謂禰廟不于堂者嫌著之靈由廟神也

若不吉

則筮遠日

旬之外

主人戒賓賓禮辭許主人再拜賓荅拜

主人退賓拜送前期三日筮賓如求日之儀乃宿賓賓

許主人再拜賓荅拜主人退賓拜送宿贊冠者一人亦

如之 增戒賓曰某有子將加布于其首願吾子之教

之也賓對曰某不敏恐不能共事以病吾子敢辭主人

曰某猶願吾子之終教之也賓對曰吾子重有命某敢

不從宿曰某將加布于某之首吾子將泣之敢宿賓對

曰某敢不夙興冠日夙興設洗直于東榮水在洗東

榮屋翼也陳服于房中西墉下東領北上爵弁服纁裳純衣

緇帶韎韐

此與君祭之服爵弁冕之次也其色赤而微黑如爵頭然其布三十升纁裳淺絳裳純衣

絲衣也韎韐

皮弁服素積緇帶素韎

此與君視朔之服也皮弁者以白鹿皮為

冠象上古也積猶辟也元端元裳黃裳雜裳可也緇帶

爵韞此莫夕于朝之服元端即朝服之衣易其裳耳上士元裳中士黃裳下士雜裳雜裳者前元後黃士

皆爵韞為韞其爵同不以元冠名服者是為緇布冠陳之緇布冠黻項青組纓屬于

黻緇纁廣終幅長六尺皮弁弁弁緇組紃纁邊同

篋黻讀如類緇布冠無弁著頤圍髮際結項中隅為四級以固冠也項中有緇亦由固頤為之耳今未冠弁

者著卷幘頤象之所生也纁今之幘梁纁一幅長六尺足以韜髮而結之矣弁今之簪有弁者屈組為紃垂為

飾無弁者纓而結其條纁邊組側赤也同篋謂此以上六物櫛實于簞簞筭也蒲筵二

在南筵席也側尊一甌醴在服北有筐實勺觶角柶脯醢

南上側猶持也謂無元酒勺尊升所以斟酒也爵三升曰觶柶狀如匕以角為之爵弁皮弁

緇布冠各一匣執以待于西北南南面東上

匣竹器今之冠箱也

執之者主人元端爵韞立于阼階下直東序西面

元端士入

廟之服也堂東西牆謂之序

兄弟畢袵元立于洗東西面北上

兄弟主人

親戚也袵同也元者元衣元裳緇帶韞也

擯者元端負東塾

門內東堂負之北面

將冠

者采衣紒在房中南面

采衣未冠者所服緇布衣錦緣錦紳並紐錦束髮也紒結髮

賓如主人服贊者元端從之立于外門之外擯者告主

人迎出門左西面再拜賓荅拜主人揖贊者與賓揖先

入贊者賤揖之而已又與賓揖先入導之

每曲揖至于廟門揖入三揖至

于階三讓主人升立序端西面賓西序東面贊者盥于

洗西升立于房中西面南上

盥于洗西由賓階升也立于房中近其事也

主

人之贊者筵于東序少北西面

筵布席也東序主人位也適子冠于序少北避

主將冠者出房南面贊者奠纚笄櫛于筵南端

賓之贊冠者也

賓揖將冠者即筵坐贊者坐櫛設纚賓降主人降賓盥

卒揖讓升主人升復初位賓筵前坐正纚興降西階一

等執冠者升一等東西授賓

緇布冠也

賓右手執項左手執

前進容乃祝坐如初乃冠興復位贊者卒

進容者行翔而前踰焉卒

謂設類項
結纓也

冠者興賓揖之適房服元端爵韠出房南面

賓揖之即筵坐櫛設筭賓盥正纚如初降二等受皮弁

右執項左執前進祝加之如初復位贊者卒紘謂繫屬之興

賓揖之適房服素積素韠容出房南面賓降三等受爵

弁加之服纁裳韎韐其他如加皮弁之儀他謂卒紘容出徹皮

弁冠櫛筵入于房筵于戶西南面贊者洗于房中側酌

醴加柶覆之面葉面前也葉柶大端賓揖冠者就筵筵西南面

賓受醴于戶東加柶面枋枋為柶筵前北面冠者筵西拜

受解賓東面答拜薦脯醢冠者即筵坐左執解右祭脯

醢以柶祭醴二興筵末坐啐醴提柶柶和於醴中興降筵坐

奠解拜執解興賓答拜冠者奠解于薦東降筵北面坐

取脯降自西階適東辟北面見于母薦東薦左也凡奠爵將舉者于右不

舉者于左適東壁者出闕門也時母在闕門之外母拜受子拜送母又拜賓降

直西序東面主人降復初位冠者立于西階東南面賓

字之冠者對對辭未闕賓出主人送于廟門外請醴賓賓禮

辭許賓就次冠者見于兄弟兄弟再拜冠者答拜見贊

者西面拜亦如之入見姑姊如見母乃易服服元冠元

端爵韞奠摯見于君遂以摯見于鄉大夫鄉先生乃醴

賓以一獻之禮一獻者主人獻賓而已即燕無亞獻者獻酢酬賓與主人各兩爵而禮成主

人酬賓束帛儷皮束帛十端也儷皮兩虎皮也贊者皆與贊冠者為

介介賓之輔以贊為之尊之也賓出主人送于外門外再拜歸賓俎

一獻之禮有薦有俎使人歸之賓家也若不醴則醢用酒酌而無酬酢曰醢上文適于冠

于作三加訖一醢于客位是周法若醢用酒非周法則夏殷之禮也鄭註謂國有舊俗可行聖人用焉不改也

始加醢用脯醢加皮弁再醢攝酒攝猶攝也其他皆如初加

爵弁三醺有乾肉折俎濟之其他如初若孤子則父兄

戒宿

父謂諸父

若庶子則冠于房外南面遂醺焉

不於作非代也不醺

于客位成而不尊

冠者母不在則使人受脯于西階下

不在者或歸寧

或疾病使人受脯於後見之也

原始加祝曰令月吉日始加元服棄

爾幼志順爾成德壽考唯祺介爾景福再加曰吉月令

辰乃申爾服敬爾威儀淑慎爾德眉壽萬年永受胡福

三加曰以歲之正以月之令咸加爾服兄弟具在以成

厥德黃耆無疆受天之慶

醴辭曰甘醴惟厚嘉薦令

芳拜受祭之以定爾祥承天之休壽考不忘 醺辭曰

旨酒既清嘉薦亶時始加元服兄弟具來孝友時格永

乃保之再醺曰旨酒既滑嘉薦伊脯乃申爾服禮儀有

序祭此嘉爵承天之祜三醺曰旨酒令芳籩豆有楚咸

加爾服肴升折俎承天之慶受福無疆 字辭曰禮儀

既備令月吉日昭告爾字爰字孔嘉髦士攸宜宜之于

假永受保之曰伯某甫

仲叔季惟所當

五經要義曰冠嘉禮

也冠首服也首服既加而後人道備故君子重之以為

禮之始 增陳祥道禮書曰士禮始加緇布不忘本也
次加皮弁朝服也三加爵弁祭服也不忘本然後能事
君能事君然後能事神所謂三加彌尊喻其志者如是
而已 又曰筮必于廟尊其尊也廟必于禰親其親也
士筮于門而不于堂避其君也筮必面西求諸陰也卦
者必居筮之左上其北也聘禮君受聘于先君之祧卿
受問于祖廟士冠士昏皆止言廟則凡言廟者禰廟也
記曰凡行事受于禰廟是也若諸侯則冠于祖廟左氏

曰以先君之祧處之是也 又曰賓盥所以致潔降盥

降受冠弁所以致敬始加受冠降一等執者升一等再加降二等三加降三等以服彌尊故降彌下也始祝棄爾幼志順爾成德再祝敬爾威儀淑慎爾德三祝兄弟具在以成厥德以順成德然後慎德慎德然後能成德也 又曰冠必用醴若不用醴則醢焉以醴者太古之物故其禮簡所以示質酒者後世之味故其禮煩所以示文故適子用醴庶子用醢適婦有醴與饗庶婦使人

醢之不饗是醢輕于醢也 又曰既冠乃醢賓以一獻

之禮酬賓束帛儷皮贊者皆與蓋君子之于人勞之必有以禮之故昏禮饗送者鄉飲司正祭禮賓尸冠禮醢賓其義一也 司馬光曰古者二十而冠將責為人子為人弟為人臣為人少者之行於其人故其禮不可不重也近世人情輕薄生子猶飲乳已加巾帽有官者或為製公服而弄之過十歲猶總角者鮮矣彼責以四者之行豈能知之故往往自幼至長愚騃如一由不知成

人之道也古禮雖稱二十而冠然世俗之弊不可猝變
若敦厚好古之君子俟其子年十五以上能通孝經論
語粗知禮義然後冠之斯為美矣 又曰古禮謹嚴之
事皆行之於廟今人既少家廟其影堂亦褊隘難以行
禮但冠於外廳可也 家禮曰男子年十五至二十皆
可冠必身及父母無期以上喪始可行之 又曰古者
筮日今不能然但正月內擇一日可也前期三日主人
告於祠堂

主人謂冠者之祖父若宗子
已孤而自冠則自為主人也

又曰古者筮

賓今不能然但擇朋友賢而有禮者一人可也前期三

日主人自詣其家請之地遠則遣子弟致書

筮日所以求夫天之

吉筮賓所以擇夫人之賢

又曰前一日遣子弟以書致辭曰某將

以來日加冠於子某吾子將涖之敢宿荅書曰某敢不

夙興又曰設盥帨於廳事如祠堂儀以帟幕為房於

廳事之東北或廳事無兩階則以堊畫而分之又曰

厥明夙興陳冠服有官者公服帶靴笏無官者襴衫帶

靴通用阜衫深衣大帶履櫛簪掠皆卓子陳於房中又

用卓設酒注盞盤并脯醢櫟於衣卓之北其幘頭帽子并冠笄巾各以一盤盛之蒙以帕陳於兩階執事者一人守之 又曰主人以下序立賓至主人迎入升堂賓揖將冠者就席為加冠巾冠者適房服深衣納履出再

加帽子服阜衫革帶繫鞋三加幘頭公服革帶納靴執

笏若襴衫納靴乃醮賓字冠者

賓或別作辭命以字之之意亦可

出就

次主人以冠者見於祠堂冠者見於尊長乃禮賓冠者遂出見於鄉先生及父之執友 又曰主人以酒饌延

賓及僎贊者酬之以幣而拜謝之賓贊有差 嫡子三
加皆祝而冠又祝而酌又祝而字庶子三加既加然後
酌而祝之又祝而字其即席而冠也嫡子西面庶子南
面

冠二

增國語趙文子冠見韓獻子獻子曰戒之此謂成人成
人在始與善始與善善進善不善蔑由至矣始與不善
不善進不善善亦蔑由至矣如草木之產也各以其物

人之有冠猶宮室之有牆屋也糞除而已又何加焉糞除

喻自修潔

襄公九年晉人不得志於鄭以諸侯復伐之公

送晉侯晉侯以公宴於河上問公年季武子對曰會於

沙隨之歲寡君以生晉侯曰十二年矣是謂一終一星

終也國君十五而生子冠而生子禮也君可以冠矣大

夫盍為冠具武子曰君冠必以裸享之禮行之以金石

之樂節之以先君之祧處之今寡君在行未可具也請

及兄弟之國而假備焉晉侯曰諾公還及衛冠於成公

之廟假鐘磬焉禮也 原東觀漢記曰馬防子鉅為常

從小侯六年正月齋宮中上欲冠鉅夜拜為黃門郎御

章臺下殿陳鼎俎自臨冠之 增南史宋寶華父當晉

末成長安父曰須我還為汝上頭後長安陷父歿寶年

七十不冠或問之輒號慟 柳宗元與韋中立書云古

者重冠禮將以責成人之道是聖人所尤用心也數百

年來人不復行近有孫昌胤者獨發憤行之明日造朝

薦笏言於卿士曰某子冠畢應之者咸慙然京兆尹鄭

叔則艷然曳笏却立曰何預我耶廷中皆大笑天下不以非鄭尹而快孫子何哉獨為所不為也 宋德祐二年元兵破潭州時知衡州尹穀寓城中乃為二子行冠禮或曰此何時行此迂闊事穀曰正令兒曹冠帶見先人於地下耳既畢禮與家人自焚死

冠三

原筮門

冠冢

儀禮鄭注筮者問日吉凶於易也冠必筮日於廟門者重成人之禮 下詳冠

一 慎德

敬名

諭志

成德

並詳冠一

一 獻

三 加

儀禮乃禮賓以一獻之禮

下詳冠一

正體飾容

禮記冠者禮之始也凡人之所以為

人者禮義也禮義之始在於正容體齊顏色順辭令

下見應亨贈四王冠詩

卜日筮賓

禮論王彪之以為禮冠自卜日不必三元也又禮夏冠用葛屨冬冠用皮屨明無定時也

鄭註筮賓筮可使

冠子

節金石

陳鼎俎

並詳冠二

敬威儀

齊顏色

上詳

冠一
詳正體注下

增父命

毋拜

上見孟子下詳冠一

櫛髮

加笄

家禮冠者即席贊者為之櫛髮合紒家禮執事者以冠笄盥進賓降一等受冠笄乃跪加之

喻牆

屋設盥洗

上詳冠二棄水器也士用鐵水器尊卑皆用金罍

儀禮設洗直于東榮註洗者

華實念父

尹穀命子

並詳冠二

冠四

原旅占

儀禮筮人執策抽上韉受命主人卒筮東面旅占卒進告吉若不吉則筮遠日如初注旅衆也

還與其屬共占之

尊事

古者重冠故行之於廟所以尊重事

請醴

儀禮冠者立于西階

東南面賓字之請醴賓註醴當為禮

奠摯

冠儀奠摯于君遂以摯見于鄉大夫鄉先生注鄉中老人

為大夫而致仕者

弁髦

童子始冠成禮則棄之

章甫

孔子長居宋冠章甫之冠宋其

也祖諸王冠

晉書漢魏遺使冠諸王非古典於是制王十五而冠不復加使命

公侯

冠

公侯之有冠禮夏之末造也

字以相尊

冠義已冠而字之鄭注字所以相尊也

成而不尊

儀禮庶子則冠于房外南面遂醢焉注房外謂尊東不于作非代父也不醢于客位成而

不尊 內喪則廢

曾子問將冠冠者至而有齊衰大功之喪如之何孔子曰內喪則廢外喪則冠

而不醴徹饌而埽即位而哭如冠者未至則廢注內喪同門也廢冠因喪而廢

喪服而冠

又云

如將冠子未及期而有齊衰大小功之喪則因喪服而冠

伯叔後饗

又云父歿而冠則已冠埽

地而祭于禩已祭而見伯父叔父而後饗冠者饗謂醴也

兄弟畢袷

袷同也與主

朝服主人即冠者父兄也

揆以吉日

登于弱年

醺于客位

筮于廟門

將行嘉事

必慎令儀

服以旌禮

冠

以章身

崇其著代

責以成人

簡適子之儀

責

成人之道

采衣朱紉盛將冠之容

束帛儷皮厚酬

賓之禮 終一獻之儀以病吾子 備三加之禮將責
成人 可以冠矣則重于承宗 將有事焉必先乎大
禮 處阼階而展敬式備三加 筮廟門以成儀終陳
一甌 雖啐醴之始是能淑慎于儀 而序賓之時不
聞昭告爾字

冠五

原詩後漢應亨贈四王冠詩曰永平四年外弟王景系
兄弟四人並冠故貽之詩曰濟濟四令弟妙年踐二九

令月惟吉日成服加元首人咸飾其容鮮能離塵垢雖
無兕觥爵杯醺傳旨酒

原箴梁蕭子範冠子箴曰是月惟令敬擇良辰式遵士
典誥筮於賓嘉字爰錫醺酒方陳禮莊爾質德成爾身
永變童心長移悼齒朱錦辭髮青紵在履丹石為操冰
泉厲已務簡朋匹田蘇遊止在我尚謙推物盡美面諛
退言弗納於耳直弦矢辭斯為良士

原文梁沈約冠子祝文曰蠲茲令日元服肇加成德既

舉童心自化行之則至無謂道賒敦以秋實食以春華
無恥下問乃至高車子孫千億廣樹厥家

增辭明宋濂鄭氏三子加冠命字祝辭序曰浦陽孝義
之門曰鄭氏其十世之長仲德甫筮得柔日宿余為賓
將冠其從子木杲果余親與之周旋降升以成三加之
禮於是稽名定義製字命之辭曰三加三醺既備禮儀
昭告爾字各宜聽之又曰爾三子者昧昧以思彼蒼者
天體物無遺或出或入靡不爾隨尚滌爾心一髮不私

履善蹈道君子之歸苟務口耳言從行違奚啻禽犢安
於鬚眉又曰遵厥祖武全其秉彝羣翔於堂東墀西簾
獨行於庭左矩右規庶幾無媿七尺之軀 又張肯字
辭序曰古者冠而字敬其名也三加之後必為字辭以
祝之或稽於經或據於史凡可以繕性提身者無不可
也由此觀之非惟敬其名抑且以敬其身能敬其身則
成人之道具矣姑蘇張君芸已嘗名其子曰肯又以繼
孟字之蓋取書大誥之義雖加冠於肯而未有為之辭

者請余補之余雖弗獲從大賓之後與聞酌醴之事然
與芸已友也輒陳所見而告之其辭曰冠禮之重為敬
其名苟非其人禮弗虛行伊張氏子世傳以經名子曰
肯厥義則宏有法於先爾基爾楹有苗於先爾播爾營
勿違厥時必將必迎勿闕其成載厲載興茲為善繼父
事是繩 又補危安加冠祝辭序曰冠者成人之道其
禮自天子至於諸侯卿大夫士各有隆殺之節儀文雖
已失傳唯士冠禮獨存告廟筮期宿賓命贊并有皮爵

之等裳有元黃之錯器有尊甌枳觶之用鼎有乾肺離
肺之實三加而彌尊制字以敬名其為禮甚嚴矣夫何
故事親從兄忠君敬長之行望其有所成也自冠禮久
廢風俗頽靡冥然夜行如擿墮而索塗君子未嘗不為
之永慨也臨川危生安清敏好脩其師曾先生旦初為
字曰子定來謁禁林求予為之說予謂字之有說說文
解字備述之矣何假人言哉然三加成禮之後既命之
字必造辭以祝之是猶可為也於是歷敘冠禮之嚴定

字代名者為甚重繼掇大學知止之義而申之以辭辭
曰人之初生父命其名弱齡攸屆乃以字稱此非彌文
實厚彝經四行之責用底於成又曰我後賓贊不與酌
醴今補祝辭庸申規厲行固宜篤知亦須至安定其中
聖域可企 方孝孺鄭氏四子加冠祝辭序曰浦陽義
門十世之長仲德甫以禮冠其從子杓及諸孫燧燭燿
而以字為屬余惟冠禮之不行二千年矣舉曠古久弛
之禮而行之夫豈為耳目之美哉亦曰以古君子成人

之道望乎子若孫爾上以古道望其身而不能以君子
自望謂之愛身不可也余欲四子者為君子故因字以
勉其德祝辭曰加爾元服惟茲令辰匪飾其外貴乎成
人昔未有知德或未備人曰童子宜有不至既峨爾弁
而童厥心人謂之何責望也深一言之善終身可行今
字告汝惟名是徵

天子加元服一

原通典曰古者聖王重冠所以為國本也孔子曰正其

衣冠尊其瞻視儼然人望而畏之又曰不莊以涖之則民不敬此人君早冠之義也王教之本不可以童子之道治焉或云周禮雖有服冕之數而無天子冠文又儀禮云公侯冠禮者王肅鄭康成皆以為夏末衰亂篡弑之所由生焉又無大夫冠禮古者五十而後爵何大夫冠禮之有周人五十而有賢才則試以大夫之事猶行士禮故筮賓於阼以著代醺於客位三加彌尊皆士禮也今按大戴禮有公冠篇云公冠四加天子亦四加又

家語冠頌云王太子之冠擬諸侯之冠天子之元子亦

擬諸侯四加諸侯之子同於士據此自天子至於諸侯

非無冠禮但因秦焚書遂同蕩滅其周制士冠禮頗備

王者時采行焉

又曰將冠筮日筮賓

冠義曰古者聖王重冠既言古

者則不行之於廟冠委貌於冢三加彌尊

大戴禮公冠篇公冠四加

三同士後加元冕天

子亦四加後加衮冕裸享樂於廟

增玉藻云元冠朱

組纓天子之冠也緇布冠績綌諸侯之冠也鄭注皆始

冠之冠是天子別有冠禮

原周制文王年十二而冠

文王十三生伯邑考左傳曰冠而生子禮也許慎五經異義春秋左氏傳說曰歲星為年紀十二歲而一周天天道簡故人君年十二可以冠成王十五而冠譙周五經冠自夏殷天子皆十二而冠然否論古文尚書說武王崩成王年十三推武王以庚辰歲崩周公以壬午歲出居東癸未歲反禮公冠記周公冠成王命史作祝辭告是除喪冠也周公未反成王冠弁開金滕之書時十六矣是成王十五周公冠之而後出也許慎五經異義武王崩後管蔡作亂周公出居東是歲大風王與大夫冠弁開金滕之書成王年十四是喪冠也者恐失矣按禮傳天子之年近則十二遠則十五必冠矣周公冠成王命祝雍曰祝王辭達而勿多祝雍辭曰使王近于民遠于年遠于佞近于義嗇于時惠于財祿賢使能其頌曰令月吉日

王始加元服去王幼志服袞職欽若昊天六合是式率

爾祖考永永無極 增周書曰成王將加元服周公使

人來零陵取竹為冠

王海

原漢改皇帝冠為加元服汲

黯傳敘上正元服 惠帝加元服用正月甲子若丙子

為吉 昭帝冠辭曰陛下擣著先帝之光輝以承皇天

之嘉祐欽奉仲春之吉辰普尊大道之郊域秉率萬福

之丕靈始加昭明之元服推遠沖孺之幼志蘊積文武

之就德肅勤高祖之清廟六合之內靡不蒙福承天無

極後漢制正月甲子若丙子為吉日可加元服儀從

冠禮乘輿初加緇布進賢次爵弁次武弁次通天冠訖

皆於高廟如儀謁見

讀漢書加元服乘輿皆於高祖廟謁見按世祖廟始冠緇布冠於宗

廟從古制

和帝冠以正月甲子乘金根車駕六元虬至廟

成禮乃迴軫反宮朝服以饗宴撞太族之庭鐘咸獻壽

焉增和帝冠以表安為賓賜束帛乘馬黃香有頌

玉海

原順帝以初月丙子加元服於高廟

時兼用曹褒新禮其儀不存順

帝都洛陽亦立高祖廟矣

獻帝興平元年正月甲子加元服司徒

淳于嘉為賓加賜元纁駟馬賜貴人王公卿司隸校尉

城門五校侍中尚書給事黃門侍郎各一人為太子舍

人 魏氏天子冠一加

其說曰古之士禮服必三加彌尊所以喻其志至於天子諸侯

數無又將以踐阼臨人尊極德成不復與士以加喻勉為義禮冠于廟自魏不復在廟矣

東晉諸

帝冠儀一加幘冕將冠金石宿設百僚陪位又先於殿

上鋪大牀御府令奉冕幘簪導袞服以授侍中常侍太

尉加幘太保將加冕太尉讀祝文曰今日吉辰始加元

服皇帝穆穆思宏袞職欽若昊天六合是式率遵祖考

永永無極眉壽維祺介茲景福加冕訖侍中繫元統脫

帝絳紗服加袞服冠事畢太祝率羣臣奉觴上壽王公

以下三稱萬歲乃退

孫毓五禮駁曰魏氏天子一加三加嫌同諸侯毓按玉藻記曰元冠

朱組紃天子之冠也緇布冠績紃諸侯之冠也其說謂皆始冠則是有次加之辭此二冠皆卑服質古勢不一

加必重加朝祭之服以崇彌尊聖人制禮所以一時歷加衆服者今始成人卜擇令日而徧加之所以重始也

若冠日有不加者後必不擇吉而服非重始也又禮器有以少為貴者冠不在焉記者彌尊喻志之言蓋以服

從卑始象德日新不可先服尊服轉而即卑今嫌士禮喻志之文因從魏氏一加之制考之玉藻似非古典今

三加者先冠皮弁次冠長冠後冠進賢冠以為彌尊于意又疑裴顧答治禮問天子禮元冠者形之成也為君

未必成人故君位雖定不可孩抱而服冕弁摯虞以為天子即位之日即為成君冕服以備不宜有加諸侯即位為成豈不定諸侯成君不拘盛典而可以冠天子成君獨有火龍黼衣便不可乎意謂宜冠有加

成

帝用三元吉日既加元服拜於太廟穆帝孝武將冠皆先以幣告廟訖事又廟見 臺符問脩復未畢吉凶不相干為可加元服與否王彪之議禮雖有喪冠當是應冠之年服制未終若須服終便失應冠之年故也禮所以冠無定時月春夏不可便用秋冬若今歲內修復未畢入新年卜仲春之日加元服不失年不失禮今便準

喪冠鼓饗樂而行事誠有倚傍然加衮冕火龍煥然以
準喪儀情有不體若別有事必速加元服權諸輕重不
須脩復畢者便當準喪冠耳又議新年至尊當加元服
今若依成帝故事用三元日者冠有金石之樂恐脩山
陵未畢於樂便闕禮冠自卜日又云夏葛屨冬皮屨無
定時不必三元也按晉故事及兩漢皆非三元當任時
事之宜耳又議近訪得成皇帝加元服儀注闕無拜廟
事按禮冠皆于廟儀禮云既畢賓出主人送于廟門明

必在廟近代以來不復在廟成皇帝既加元服拜太廟以告成蓋亦猶擬在廟之儀今既加元服亦應拜廟後魏正光元年秋孝明帝年十一加元服訖拜太廟大赦改元 北齊制皇帝加元服以玉帛告圓丘方澤以幣告廟擇日臨軒中嚴羣官位定皇帝著空頂介幘以出太尉盥訖升脫空頂幘以黑介幘奉加訖太尉進太保之右北面讀祝訖太保加冕侍中繫元統脫絳紗袍加袞服事畢太保上壽羣官三稱萬歲皇帝入溫室移

御座會而不上壽後日文武羣官朝服上醴酒十二鍾
米十二囊牛十二頭又擇日親拜圓丘方澤謁廟唐
制如開元儀增唐書志皇帝加元服有司卜日告天

地宗廟前一日尚舍設席太極殿中楹莞筵紛純加藻
席緇純次席黼純有司設次展懸設案陳車輦如元日
其日侍中版奏中嚴有司設罍洗於阼階殿中監陳衮
服緇纚玉簪及櫛同箱尚食實醴尊於東序外帷內拈
在尊北實角觶柶各一饌陳尊西籩豆十二俎三袞冕

玉導置於箱侍中奏外辦皇帝服空頂黑介幘絳紗袍
出自西房即御座太尉跪脫幘太師降盥受冕讀祝辭
乃跪冠設簪結纓皇帝興適東房袞服出即席南向坐
太尉洗觶酌醴太師受醴讀祝辭殿中監奉饌在位者

再拜

玉海

明會典天子止一加用袞冕太尉設纚太師

受冕

洪武三年定前期太史院

後改欽天監

筮日工部製

冕服翰林院撰祝文祝辭或用古辭或臨時撰擬中書
省承制令某官攝太師某官攝太尉既筮日遣官告天

地宗廟行一獻禮百官於皇城守宿侵晨具朝服行禮
皇帝服空頂幘雙童髻雙玉導絳紗袍御輿以出文武
官班齊拜畢太師太尉盥洗陞自御座西東向立太尉
進就皇帝席前少右跪搢笏空幘授內使內使受幘
置於櫛箱櫛畢設纚出笏興退立太師進至御前北向
立內使監令取冕立於太師之左太師祝曰令月吉日
始加元服壽考維祺以介景福搢笏跪受冕加冠加簪
纓訖出笏興退立內使監令徹櫛纚箱皇帝興著衮服

就座進醴太師進御座前北面立光祿卿奉酒太師受
酒祝曰甘醴維厚嘉薦令芳承天之休壽考不忘祝訖
跪授內使內使跪受捧進皇帝受酒祭少許啐酒訖以
虛盞授內使太師太尉降階就拜位拜舞蹈山呼畢皇
帝改服通天冠絳紗袍入宮拜謁太后如正旦儀擇日
謁太廟其儀與時祭同見廟之明日百官具公服稱賀
天子加元服二

原頌後漢黃香天子冠頌曰惟永元之盛代聖皇德之

茂純躬烝烝之至孝崇敬順以奉天以三載之孟春建寅月之上旬皇帝將加元冕簡甲子之元辰厥日正於太皞厥時叶於百神皇輿幸夫金根駕元虯之連螭建螭龍以為旂鳴節路之和鸞既臻廟而成禮乃廻軫而反宮正朝服以享宴撞太族之庭鐘祚蕃屏與鼎輔暨夷裔之君王咸進酒於金罍獻萬年之玉觴

增論明歸有光天子諸侯無冠禮論曰儀禮有士冠禮無天子諸侯冠禮非逸也記曰無大夫冠禮而有其昏

禮古者五十而後爵何大夫冠禮之有公侯之有冠禮

夏之末造也天子之元子猶士也天下無生而貴者也

繼世以立諸侯象賢也明天子諸侯大夫之無冠禮也

冠者將責為人子為人弟為人臣為人少之禮故冠必

有主人孤子則父兄戒宿

父謂諸父

蓋父兄以成人之禮責

子弟也天子為元子之時以士禮冠所謂有父在則禮

然也已奉宗統君臨天下將又責之為人子為人弟為

人臣為人少之禮乎家語稱孔子答孟懿子之問吾取

焉曰古者王世子雖幼其即位則尊為人君人君治成人之事者何冠之有曰諸侯之冠異天子與曰君薨而世子主喪是亦冠也已人君無所殊也諸侯之有冠禮也夏之末造也此孔子之遺言也蓋以祝雍頌公冠之篇則誣矣公冠曰公冠自為主迎賓揖升自阼立于席既醴降自阼饗之以三獻之禮無介無樂其酬幣朱錦采四馬其慶也天子擬焉曰自為主曰賓降阼嫌尊矣非為人子為人弟為人臣為人少之禮也且禮自上達

而曰天子擬冠何也此非孔氏之言也公冠又曰公冠
四加元冕左傳季武子曰君冠必以裸享之禮行之以
金石之樂節之以先君之祧處之玉藻曰始冠緇布冠
自諸侯下達冠而敝之可也元冠朱組纓天子之冠也
緇布冠纁綌諸侯之冠也蓋務為天子諸侯士庶之別
而不知先王制冠禮之義所以同之於士庶者也

皇太子冠一

原周制天子之元子猶士也天下無生而貴者也

元子嗣子

也無生而貴皆由下升也明
人有賢行著德乃得貴之

增家語冠頌曰公冠四

加元冕祭其酬幣于賓則束帛乘馬王太子庶子之冠

擬焉

按天子之元子猶士則天子之子雖早冠亦用士禮又曰王太子庶子亦擬諸侯四加若然諸侯之

子不得四加也

原大戴禮逸禮曰太子既冠成人免于保傅

則有司過之史有虧膳之宰太子有過史必書之增

荀子曰天子諸侯子十九而冠冠而聽治匡衡疏適

子冠於阼禮之用醴衆子不得與列所以貴正體明嫌

疑也漢景帝紀後三年正月皇太子冠賜民為父後

者爵一級 原宣帝五鳳元年皇太子以正月冠賜丞

相以下帛赦徒作杜陵諸王遣使行事 增元帝紀竟

寧元年正月皇太子冠賜爵 原魏氏冠太子再加皇

子王公嗣子乃三孫毓以為一加冠諸王因漢遣使行

事 晉惠帝為太子將冠武帝臨軒使兼司徒高陽王

珪加冠兼光祿大夫屯騎校尉華廙贊冠武帝冠太子冠訖皆即廟

見斯亦擬在廟之儀 泰始六年南宮王承年十五依舊應冠有

司奏議禮十五成童國君十五而生子以明可冠之義

又漢魏遣使冠諸王非古典於是制儀王十五而冠遂

革使命咸寧二年秋閏九月遣使冠汝南王宗惠帝以

正月丙午冠太子訖乃廟見懷帝亦以正月冠皇太子

宋冠皇太子及蕃王以一加齊武帝孫南郡王昭

業冠從尚書令王儉議使太常持節一加冠大鴻臚為

贊醺酒之儀國官陪位拜賀如常其日內外二品清官

以上詣公車門集賀並詣東宮南門通牋別日上禮宮

臣亦詣門稱慶如上臺之儀既冠之後剋日謁廟

儉議
日皇

孫冠事歷代所無禮雖有嫡子無嫡孫然南郡王體自儲暉實惟國重元服之典宜異列藩依於諸王則輕同於儲皇則重按士冠禮主人元冠朝服注主人冠者之父兄也尋其言父及兄則明祖在不為主也又春秋之義不以父命辭王父命則皇太子無專用之道宜使太常持節一加冠并撰立贊冠醺酒二辭不依藩國詔可祝辭曰皇帝使給事中太常武安侯蕭惠本加南郡王冠筮日戒賓肇加元服棄爾幼志從厥成德親賢使能克崇景福醺酒辭曰旨酒既清嘉薦既盈兄弟具在淑慎儀刑永永脩壽於穆斯寧明帝冠太子用正月梁武帝天監十三年正月冠太子於太極殿脩前代之儀

增梁天監中臨軒冠太子舊制太子遠遊冠金蟬翠

綏纓詔加金博山 原後魏孝文帝冠皇太子恂於廟

詔曰司馬彪漢志漢帝有四加冠一緇布二進賢三武

弁四通天朕見家語冠頌篇四加冠公也家語孔子之

言與正經何異諸儒忽司馬彪志致使天子之子而行

士冠朕以為有賓諸儒皆以為無賓孔子所云斐然成

章其斯之謂矣 北齊制皇太子冠則太尉以制幣告

七廟擇日臨軒有司供帳於崇正殿中嚴皇太子空頂

憤公服出立東階之南西面使者入立西階之南東面
受訖入室盥櫛出南面使者進揖詣冠席西面坐光祿
卿盥訖詣太子前設櫛使者又盥奉進賢三梁冠至太
子前東面祝脫空頂憤加冠太子興入室更衣出又南
面就席光祿卿盥櫛使者又盥祝脫三梁冠再加遠遊
冠太子又入室更衣設席中楹之西使者揖就席南面
光祿卿洗爵酌醴使者詣席前北面祝太子拜受醴即
席坐祭之啐之奠爵降階復本位西面三師三少及在

位羣官拜事訖又擇日會宮臣又擇日謁廟 隋制皇

太子將冠前一日帝齋於大興殿太子與賓贊及預從
官齋於正寢其日質明有司告廟各設筵於阼階帝袞

冕即御座揖太子進升筵西向坐贊冠者坐櫛設纓賓

盥訖初加緇布冠進設頽丘癸切纓賓揖太子適東序衣

元衣素裳以出贊者又坐櫛賓進加遠遊冠改服訖賓

又受冕太子適東序改服以出賓揖太子南面立賓受

醴進筵前北面立祝太子拜受解賓復位東面答拜贊

者奉饌於筵前太子祭奠禮畢降筵進當御東面拜納言承詔詣太子戒訖太子拜贊者引太子降自西階賓少進字之贊者引太子進立於庭東面諸親拜訖贊者拜太子皆答拜與賓俱復位納言承詔降命令有司致禮賓又拜帝復降阼階下拜太子以下皆拜帝出更衣還宮太子從至闕因入見皇后而還 唐貞觀五年正月有司上書皇太子將冠禮宜用二月為吉請遣官以備儀注太宗曰今東作方興恐妨農事令改用十月太

子少保蕭瑀奏稱準陰陽家用二月為勝上曰陰陽拘忌朕所不行若動靜必依陰陽不顧禮義欲求福祐其可得乎若所行皆遵正道自然當與吉會且吉凶在人豈假陰陽拘忌農時甚要不可蹉失 增唐永徽六年

二月五日太子加元服賜酺三日為父後者爵一級

開元八年正月十一日甲子太子加元服翼日乙丑謁

太廟丙午宴百官太極殿制曰正於萬國祝以三加

唐志皇太子加元服司徒為賓卿為贊冠有司設御幄

於太極殿展縣設案陳車輿皇帝服通天冠絳紗袍乘輿出自西房即御座侍中傳制至司徒前曰將加冠於某之首公其將事至卿前曰卿其贊冠賓再拜受制書皇帝入自東房賓贊出以制書置於案引以幡節威儀饒吹及九品以上皆詣東宮朝堂冠日宮臣皆朝服集重明門外宗正卿乘車承傳在位者再拜左庶子稱禮畢宗祥符八年十二月戊寅承天節羣臣上壽是日皇子加冠司天言日輝珥直抱氣戊子集賢校理晏殊

上皇子冠禮賦詔獎之 大觀二年八月詔詳皇太子冠禮十一月親製冠禮沿革十一卷政和四年二月二日禮制局定皇太子冠禮十七日癸酉行禮於文德殿掌冠以禮部尚書贊冠以鴻臚卿列黃麾細仗於殿廷皇太子初行欽安之樂作祝曰咨爾元子肇冠於阼筮日擇賓德成禮具於萬斯年承天之祜乃冠折上巾順安之樂作祝曰爰即令辰申加元服崇學以讓三善皆得副予一人受天百福乃冠遠遊冠懿安之樂作祝曰

三加彌尊國本以正無疆惟休有室大競懋昭厥德保
茲永命乃冠袞冕成安之樂作敕戒曰事親以孝接下
以仁遠佞近義祿賢使能古訓是式大猷是經 明會
典皇太子冠禮洪武元年定命某官為賓某官為贊初
加折上巾再加遠遊冠三加袞冕九旒禮畢入內朝見
皇后明日謁廟成化十四年續定初加翼善冠再加皮
弁三加九旒冕始加祝曰吉月令辰乃加元服懋敬是
承永介景福再加祝曰冠禮申舉以成令德敬慎威儀

惟民之式三加祝曰章服咸加飭敬有虔永固皇圖於
千萬年舉醴祝曰旨酒孔馨嘉薦載芳受天之福萬世
其昌又宣敕官宣敕戒曰孝事君親友于兄弟親賢愛
民居仁由義毋怠毋驕茂隆萬世當日皇太子具冕服
謁祭奉先殿詣太皇太后皇太后上及皇后前謝俱行
五拜三叩頭禮次日早上陞殿百官稱賀就詣文華殿
賀皇太子

皇太子冠二

增賦宋晏殊皇子冠禮賦曰玉英珠薏之元眈日角山
庭之峻格漢幄增輝堯門有赫又曰亨期俯協冠禮斯
陳曄華纓而粲粲峨爵弁以斌斌啓嘉會於中闈動懽
聲於紫宸正容體兮道昭備服順辭兮誼協成人義
易考祥契黃離之元吉漢詩載美歌皓月之重輪觀史
牘以知遠朝寢門而竭忱

增制唐開成七年制曰史稱周誦之年傳記魯襄之禮
粵若敬始謂之成人

原表宋謝莊慶皇太子元服上至尊表曰伏惟皇太子
殿下明兩承乾元良作貳抗法迂身英華自遠樂以脩
中禮以治外三善克懋德成教尊今日昭辰顯加元服
對靈祇之望儔上庠之歡率天罄世莫不載躍 又皇

太子元服上皇太后表曰離景承宸樞光陪極毓問東
華飛英上序樂正歌風司成頌德清明神鏡溫文在躬
練日簡辰顯備元服懋三王之教燭少陽之重 宋孝
武帝建平王宏冠表曰宏筮辰協吉撰禮備容資比成

德允被休典 又廣陵王誕冠表曰臣誕年禮既升擇
休申冠順棄有成服美任典

女笄

原周制女子許嫁笄而醴之稱字

許嫁已受納徵禮也
笄女禮猶冠男也使

主婦女賓
執其禮

祖廟未毀教於公宮三月祖廟已毀則教於

宗室

祖廟女高祖為君者之廟以有總麻之親就尊者
之宮教之也教以婦德婦容婦功婦言宗室大宗

子之家

公羊傳婦人許嫁笄而字之死則以成人之喪

治之

謂不為殤也魯僖公
九年伯姬卒是也

雜記女雖未許嫁年二十

而笄禮之婦人執其禮

雖未許嫁年二十亦為成人矣禮之酌以成之言婦人執其禮

明非許嫁之笄賈公彥曰許嫁笄當使主婦對女賓執其禮其儀如男子也又許嫁者用醴禮之不許嫁當用

酒醴之敬其早得禮

燕則鬋首

既笄之後去之也猶女有鬋首也鬋音巨員切鬋丁果切

增

家禮女子許嫁笄年十五雖未許嫁亦笄毋為主前期

三日戒賓一日宿賓擇親姻婦女之賢而有禮者為之

陳設如冠禮厥明陳服

用背子冠笄

序立主婦如主人之位

將笄者雙紒衫子房中南面賓至主婦迎入

不用贊者

賓為

將笄者加冠笄適房服背子乃醮乃字乃禮賓皆如冠

儀

御定淵鑑類函卷一百七十四

欽定四庫全書

御定淵鑑類函卷一百七十五

禮儀部二十二

婚姻辭婚

同姓婚媒

婚姻一

原釋名曰婚昏時成禮也姻女因媒也爾雅曰女子

子之夫為壻壻之父為姻婦之父為婚白虎通曰婚

者謂昏時行禮故曰婚姻者婦人因夫故曰姻周禮

大宗伯以昏冠之禮親成男女

親其恩成其性

增曲禮曰男

女非有行媒不相知名非受幣不交不親故日月以告
君齋戒以告鬼神為酒食以召鄉黨僚友以厚其別也
取妻不取同姓故買妾不知其姓則卜之 原納女於
天子曰備百姓於國君曰備酒漿於大夫曰備埽灑

曾子問孔子曰嫁女之家三夜不息燭思相離也取婦
之家三日不舉樂思嗣親也三月而廟見稱來婦也擇
日而祭於禰成婦之義也 郊特牲曰夫昏禮萬世之
始也取於異姓所以附遠厚別也一與之齊終身不改

故夫死不嫁男親迎男先於女剛柔之義也男女有別
然後父子親父子親然後義生義生然後禮作禮作然
後萬物安堵親御授綏親之也出乎大門而先男帥女
女從男夫婦之義由此始也婦人從人者也幼從父兄
嫁從夫夫死從子故婦人無爵從夫之爵坐以夫之齒
增昏禮不用樂幽陰之義也昏禮不賀人之序也

序猶

代也

原昏義曰昏禮者將合二姓之好上以事宗廟而
下以繼後世也故君子重之是以昏禮納采問名納吉

納徵請期皆主人筵几於廟而拜迎於門外入揖讓而

升聽命於廟所以敬慎重正昏禮也壻執雁入再拜奠

鴈降出御婦車而壻授綏御輪三周先俟於門外婦至

壻揖婦以入共牢而食合卺而醑所以合體同尊卑以

親之也 儀禮婚有六禮納采鄭注將為婚必先媒通言乃使人納其采擇之

禮用雁為贄取陰陽往來之義也 問名問名者將歸卜其吉凶 納吉卜于廟得吉兆復使往告

婚姻之事 納徵白虎通納徵用元纁不用雁 請期鄭注陽倡而陰和期日宜由夫家卜

得吉日乃使人往告之 親迎其納采問名請期並用雁也 增儀禮曰昏禮納

采用雁主人筵於戶西西上右几

主人女父也筵為神布席也將以先祖之

遺體許人故受於禰廟

使者至

使者夫家之屬若羣吏使往來者

擯者出請事入

告主人迎於門外再拜賓不荅拜揖入

不荅拜者奉使不敢當其威禮

賓升西階致命授於楹間賓降出主人降授老雁

老羣吏之

尊賓執雁請問名主人許賓入授如初禮擯者出請醴

賓主人徹几改筵

徹几改筵者鄉為神今為人

賓出主人送於門外

納吉用雁如納采禮納徵元纁束帛儷皮如納吉禮

徵成

也使使者納幣以成婚禮用元纁者象陰陽備也

請期用雁主人辭賓許告期

如納徵禮

主人辭者期日宜由夫家來也夫家必先卜得吉日乃使使者往辭即告之

昏

辭曰吾子有惠貺室某也

吾子女父也某壻名

某有先人之禮使

某也請納采

上某壻父名下某使名也

對曰某之子蠢愚又弗能教

吾子命之某不敢辭

某女父名吾子謂使者

問名曰某既受命將

加諸卜敢請女為誰氏

誰氏者謙也必其主人之女

對曰吾子有命

且以備數而擇之某不敢辭納吉曰吾子有貺命某加

諸卜占曰吉使某也敢告

上某壻父名

對曰某之子不教惟

恐弗堪子有吉我與在某不敢辭納徵曰吾子有嘉命

貺室某也某有先人之禮儷皮束帛使某也請納徵對
曰吾子順先典貺某重禮某不敢辭敢不承命請期曰
吾子有賜命某既申受命矣惟是三族之不虞使某也

請吉日

三族謂父昆弟已昆弟子昆弟不虞謂卒有死喪此三族皆服期期則踰年欲及今之吉也

對曰某既前受命矣唯命是聽曰某命某聽命於吾子

上某壻父名

對曰某固唯命是聽使者曰某使某受命吾子

不許某敢不告期曰某日

某吉日之甲乙

對曰某敢不敬須

期初昏陳三鼎於寢門外

寢壻之室也

設洗於阼階東南饌

於房中尊於室中北墉下篚在南實四爵合盃

合盃破匏也四

爵兩盃凡六為夫婦各三醕

主人爵弁纁裳緇旒從者畢元端乘墨

車

主人壻也大夫以上親迎冕服爵弁而纁裳元冕

婦

車亦如之有袞

士妻之車夫家共之大夫以上則自以車送之袞車裳幘周禮謂之容車

至

於門外

婦家大門之外

主人筵於戶西西上右几

主人女婦也筵為神布席

女次純衣纁衽立於房中

次首飾今時髮也純衣纁衣衽亦緣也

姆纁笄

宵衣在其右

姆若今乳母宵讀為綃綺屬也姆在女右詔以婦禮

女從者畢衿元

衿同也上下皆元

主人迎於門外西面再拜賓答拜

賓壻也

主人

揖入賓執雁從至於廟門揖入賓升北面奠雁再拜降

出婦從降自西階主人不降送

賓升奠雁拜主人不答明主為授女耳

壻

御婦車授綏姆辭不受

綏所引以升車曲禮曰僕人之禮必授人綏

婦乘以

几姆如景乃驅御者代

乘以几者尚安舒也景制如明衣加以之為行道禦塵行車輪

三周御者乃代壻

壻乘其車先俟於門外

門外壻家大門外

婦至主人

揖婦以入及寢揖入升自西階贊告具揖婦即對筵坐

皆祭三飯卒食贊洗爵酌三醕用盞乃徹媵餽主人之

餘御餽婦之餘

媵女從者御壻從者

父醯子命之辭曰往迎爾

相承我宗事勗帥以敬先妣之嗣若則有常子曰諾惟

恐弗堪不敢忘命 原父送女命之曰戒之敬之夙夜

毋違命命舅姑之教毋施衿結帨曰勉之敬之夙夜無違宮

事帨佩巾庶母及門內施鞶申之以父母之命命之曰敬

恭聽宗爾父母之言夙夜無愆視諸衿鞶鞶囊也男鞶革女鞶紈示

以衿鞶皆託戒使識之也 增夙興婦沐浴纚笄宵衣以俟見昏之明晨

待見於舅質明贊見婦於舅姑婦執笄棗栗升拜奠於

席笄竹器舅坐撫之降受笄服脩升拜奠姑坐舉以授

人贊醴婦席於戶牖間側尊甌醴於房中舅姑入室婦

盥饋特豚

饋者婦道既成成以孝養

舅姑共饗婦以一獻之禮舅姑

先降自西階婦降自阼階

授之室使為主明代已

歸婦俎於婦氏

人舅姑饗送者以一獻之禮酬以束錦若舅姑既沒

則婦入三月乃奠菜

奠菜者以簋祭也菜蓋用菜三月一時婦道可成也

庶婦則

使人醺之不饋凡行事必用昏昕受諸禰廟辭無不

腆無辱摯不用死皮帛必可制腊必用鮮魚用鮒必殽

全易曰咸亨利貞取女吉

原又曰姤女壯勿用取

女 增詩序桃夭曰后妃不妬忌則男女以正婚姻以

時國無鰥民也 原何彼穠矣美王姬也雖則王姬亦

下嫁於諸侯車服不繫其夫下王后一等猶執婦道以

成肅雍之德 增大明曰文定厥祥親迎于渭造舟為

梁不顯其光 韓奕曰韓侯迎止于蹶之里諸娣從之

祁祁如雲韓侯顧之爛其盈門 左傳凡諸侯嫁女於

敵國姊妹則上卿送之以禮於先君公子則下卿送之

於大國雖公子亦上卿送之于天子則諸卿皆行公不

自送於小國則上大夫送

尊不送卑大夫亦遣臣送之士則有司送之

公

羊傳紀履緌來逆女何以不稱使婚禮不稱主人

為養康遠

也也然則何稱稱諸父兄師友宋公使公孫壽來納幣則

其稱主人何辭窮也辭窮者何無母也

禮有母母友當命諸父兄師友稱

父兄師友以行宋公無母莫使命之辭然則紀有母乎窮故自命之自命之故不得不稱使也

曰有

以不稱使有則何以不稱母母不通也

禮婦人無外事但得命諸父兄

師友稱父兄師友以行耳

原又曰女在其國稱女在塗稱婦人國

稱夫人

增家語魯哀公問孔子曰男子十六而精通

女子十四而化是則可以生民矣而禮必三十而有室
二十而嫁豈不晚哉孔子曰夫禮言其極不是過也男
子二十而冠有為人父之端女十五許嫁有適人之道
又曰羣生閉藏乎陰而為化育之始故聖人因時以

合偶霜降而婦功成嫁娶者行焉冰泮而農桑起婚姻
殺於此 夏小正記曰二月娶妻之時也周官媒氏仲
春之月令會男女王肅以為秋冬嫁娶之時也仲春期

盡之時矣

肅據詩云三星在天三星為參十月見東方

原董仲舒曰聖人

以男女當天地之陰陽天之道向秋冬而陰氣來向春
夏而陰氣去是故古之人霜降而迎女冰泮而殺止與
陰俱近與陽俱遠

通典

增白虎通曰男子三十而娶女

二十而嫁何陽數奇陰數偶男長女幼者何陽道舒陰
道促男三十筋骨堅彊任為人父女二十肌膚充盛任
為人母合為五十應大衍之數生萬物也 原又云天
子諸侯一娶九女者何重國廣繼嗣也法地有九州承
天之施無所不生一娶九女亦足承君之施九而無子

百無益也 增後漢鄭眾百官六禮辭大略因於周制

文皆封之先以紙封表又加以皂囊著篋中題檢文言

謁表某君門下其禮物凡三十種各內有謁文外有贊

文禮物三十種即元纁羊雁等原崔駰婚禮結言曰乾坤其德恒

久不已爰定天網夫婦作始乃降英媛有淑其儀姬姜

是侔比則姚姁載納嘉贄申結鞶褱 增魏制諸侯娶

妃以皮馬為庭實加以大璋 晉太康八年有司奏王

侯婚禮元纁束帛加璧乘馬大夫用元纁束帛加羊奏曰

古者以皮馬為庭實天子加穀珪諸侯加大璋可
依周禮改驛用璋其羊雁酒米元纁之禮並如故諸侯

婚禮加納采告期親迎各帛五匹及納徵馬四匹皆令

夫家自備惟璋官為具之唐顯慶四年詔天下嫁女

受財三品以上之家不得過絹三百匹四品五品不得

過二百匹六品七品不得過百匹八品以下不得過五

十匹皆充所嫁女資裝其夫家不受陪門之財

李義府奏

太極元年左右司郎中唐紹上表曰士庶親迎之禮所以
承宗廟事舅姑當須昏以為期詰朝謁見往者下俚庸

都時有障車邀其酒食以為戲樂近日此風轉盛上及王公乃廣奏音樂多集徒侶遮擁道路留滯淹時邀致財物動踰萬計遂使障車禮既過於聘財歌舞諠譁殊非助感請一切禁斷從之

俱通典

陳祥道禮書曰婚有

六禮納采問名同一使納吉納徵請期皆異使納采問名納吉請期以禽贄納徵以圭璋皮幣曲禮曰日月以告君齋戒以告鬼神春秋之時楚公子聘於鄭曰告於莊共之廟而來鄭公子忽先配後祖君子譏之故士昏

禮既納采問名然後歸卜於禰既卜然後納吉而卜常在告廟之日禮記曰卜郊受命於祖廟作龜於禰宮尊祖親考之義也鄭氏謂受命退乃卜卜婚之禮蓋亦如之然則告廟始於納采問名之後矣又曰士昏贄用雁者不以死贄亦攝盛也觀其所乘大夫之墨車所衣助祭之爵弁而女必次純衣纁衽腊必用鮮魚必殺全則攝贄以雁不為過也鄭氏曰用雁取其順陰陽來往理未必然又曰納徵元纁束帛儷皮如納吉禮鄭氏

曰束帛十端也儷兩也執束帛以致命兩皮為庭實皮
鹿皮周禮曰凡嫁子娶妻入幣純帛無過五兩釋曰純
實緇字士大夫乃以元纁束帛天子加以穀圭諸侯加
以大璋然考之於史曰錦繡千純又曰文繡千純則純
匹端也周禮所謂純帛乃匹帛也鄭改以為緇誤矣匹
帛無過五兩則庶人不必五兩大夫士不得過焉非謂
庶人用緇大夫用元纁也先王之制婚禮其用財不過
如此則婦之所節可知矣以為合二姓之好上以事宗

廟下以繼後世而不在財也是以梁鴻鄙孟光之綺繡
表隗却馬倫之囊裝後世之俗有以金幣相高蓋不知
此又曰婦於嫁夕次純衣纁衾厥明則纚笄宵衣以
見舅姑者以盛飾可施於嫁夕不可施於厥明也見舅
以棗栗見姑以服脩以棗栗者天所產服脩者人所成
也見必立於堂下而拜於階上者立於堂下婦之所以
尊尊也拜於階上舅姑所以親親也若舅姑沒則有奠
菜之禮司馬光曰凡議婚當先察壻與婦之性行及

家法勿苟慕富貴壻苟賢矣今雖貧賤安知異日不富貴乎苟為不肖今雖富貴安知異日不貧賤乎婦者家所由盛衰也苟慕一時之富貴而取之彼挾富貴未有不輕其夫而傲其舅姑者養成驕妬之性異日為患庸有極乎借使因婦財以致富依婦勢以取貴苟有丈夫之志氣者能無愧乎 又曰世俗好於襁褓童稚之時輕許為婚亦有指腹為婚者及既長或不肖無賴或有惡疾或家貧凍餒或喪服相仍或從官遠方遂至棄信

負約速獄致訟者多矣先祖太尉書曰吾家男女必俟
既長議婚既通書不數月必成婚故終身無此悔乃子
孫所當法也 又曰世俗貪鄙者將娶婦先問資裝之
厚薄將嫁女先問聘財之多少是乃駟僧驚奴賣婢之
法豈得謂之士大夫婚姻哉 安定胡氏遺訓嫁女必
須勝吾家勝吾家則女之事人必欽必戒娶婦必須不
若吾家不若吾家則婦之事舅姑必執婦道 家禮曰
男子年十六至三十女子年十四至二十身及主婚者

無期以上喪乃可成昏 又曰親迎之禮近則迎於其國遠則迎於其館

婚姻二

原左傳楚公子圍聘於鄭且娶於公孫段氏既聘將以衆逆子產患之請嬋聽命對曰圍布几筵告於莊共之廟而來若野賜之是委君貺於草莽也 又曰定公四年吳子及楚人戰於柏舉楚師敗績王奔郢鍾建負季芊以從及寧將嫁季芊季芊曰所以為女子遠丈夫也

昔者鍾建負我矣以妻鍾建 增列女傳曰魯師春姜
者魯師氏之母也嫁其女三往而三逐春姜問故以輕
其室人也春姜召其女而笞之曰婦人以順從為務貞
慤為首故婦事夫有五平旦纚笄而朝則有君臣之嚴
浹盥饋食則有父子之敬報反而行則有兄弟之道必
期必誠則有朋友之信寢席之交然後有夫婦之際
原又曰邵南申女者申人之女也既許嫁於豐夫家禮
不備而欲迎之女曰夫家輕我遂不肯往夫家訟之於

理女終以一物不具一禮不備守節持義必死不往

漢書曰陳平邑富人張負有女孫五嫁夫輒死平欲得之邑中有大喪平家貧侍喪以先往後罷為助負既見之喪所隨平至其家家乃負郭窮巷然門外多長者車轍負以女孫妻平曰固有美如陳平而長貧賤者乎

又曰張耳大梁人也常亡命遊外黃外黃富人女甚美庸奴其夫亡抵父客父客謂曰必欲求賢夫從耳女聽為請淩嫁之女家厚奉給耳耳以故致千里客 又曰

張放取皇后弟平恩侯許嘉女上為放設供帳賜甲第
充乘輿服飾時號為天子取婦皇后嫁女 楚國先賢
傳曰孫雋字文英與李膺俱娶太尉桓焉女時人謂桓
叔元兩女俱乘龍言得壻如龍也 世說曰溫嶠從姑
劉氏家值亂離唯有一女甚慧姑以屬嶠索婚嶠自有
婚意荅云佳壻難得但如嶠比云何姑荅云喪破之餘
乞得粗相存活便足慰我餘年敢希汝比却數日嶠報
姑云已得婚處門地粗可壻身不減嶠因下玉鏡臺一

枚姑大喜既婚交禮女以手披紗扇大笑曰固疑是此
老奴果如所疑玉鏡臺是嶠為劉琨長史北征劉聰所
得也 增南史韋放與吳郡張率皆有側室懷孕因指
腹為婚其後各產男女未及長成而率亡放為徐州刺
史時有貴族請婚者放曰吾不失信於故友乃以息歧
娶率女又以女適率子時稱放能篤舊 北史崔巨倫
有姊明慧有才行眇一目內外親族莫有求者其家議
欲下嫁之巨倫姑趙國李叔眉妻也聞之慙感曰吾兄

盛德不幸早世肯令此女屈事卑族乃為子翼納之時
人歎其義識 唐王義方見異魏徵欲妻以夫人之姪

辭不取俄而徵薨乃取之人問其故曰初不附宰相今

感知已也

合辭
事類

唐潤州刺史韋詵有女擇所宜歸登

樓見一人於圃有所瘞藏訪諸吏吏曰參軍喪寬也詵
問狀曰適有人以鹿為餉不敢自欺故瘞之詵歎異引
為按察判官許妻以女歸語妻曰常求佳壻今得矣明
日幃其族人使觀之寬時衣碧瘠而長人皆笑呼為碧

鶴雀詵曰愛其女必以為賢公侯妻也何必以貌求人

卒妻之 刺史杜廣初為劉景廐卒景因問廣事所對

曲有條章執廣手曰久負賢者告其妻曰我為女求夫

三年不覺廐中有騏驥也於是妻之

二條山堂肆考

王鐔為

辛果偏裨一日擊毬馳騁酣鏑向天呵氣高數丈若匹

練上衝果謂妻曰此極貴相以女妻之

合璧事類

楊玠娶

博陵崔李讓女崔家圖籍萬卷玠成婚之後頗亦遊其

書齋既而告人曰崔氏書被人盜盡曾不之知崔遽令

檢之玠捫腹曰已藏之經笥矣

記纂
淵海

唐柳玼家訓曰

東都仁和里裴尚書寬天后時宰相魏元同選為壻未
成婚而魏陷羅織家徙嶺表及將北還女已踰笄其家

無以為資擬下髮為尼有一尼自外至曰女福豐厚必
有令匹子孫將徧天下家人遂不敢議及至荆門則裴
賁裝以迎矣今裴氏子孫蕃衍實天之報施也 唐孫

泰姨老以二女託泰曰長女損一目汝可妻其女弟姨

卒泰娶其姊或詰之曰人有廢疾非泰何適

山堂
肆考

五

代和凝舉進士梁義成軍節度使賀瓌辟為從事瓌與唐莊宗戰於胡柳瓌敗脫身走獨凝隨之反顧見凝麾之使去凝曰丈夫當為知己死吾恨未得死所耳豈可去也已而一騎追瓌幾及凝叱之不止即引弓射殺之瓌由此得免歸戒諸子曰和生忠義之士也後必富貴汝其謹事之因妻以女後官至太尉封魯國公王克正仕南唐歸宋直舍人院及死無子惟一女十餘歲陳搏入弔出語人曰王氏女我雖不見其面觀其捧爐奉

佛手相甚貴後數年陳晉公恕為參知政事一日太宗問曰卿娶誰氏有幾子恕對曰臣無妻有二子太宗曰王克正江南舊族身後惟一女朕甚念之卿可作配恕不敢辭遂納為室不數日封國夫人如陳之相

二條事
文類聚

王沂公曾初就殿試時已有盛名李文靖公沆為相適求壻語夫人曰吾得壻矣乃舉公姓名曰此人今此不第後亦當為公輔是時呂文穆蒙正家亦求姻於曾曾聞文靖之言曰李公知我遂從李氏

山堂
肆考

晏元獻

殊判南京范仲淹權掌西監一日晏謂范曰吾一女及笄君為我擇壻范曰監中有二舉子富臯張為善皆可壻也晏曰然則孰優范曰富修謹張疎俊晏即取富臯為壻後改名弼張為善後改名方平 孫明復鬚鬢皓白李文定公迪願以弟之女妻之孫固辭文定曰吾女不妻先生不過一官人妻先生德高天下韋壻李氏榮貴莫大於此孫乃曰相女不以嫁公侯而固以嫁山谷衰老藜藿不充之人相國之賢古無有也予不可不成

相國之賢名遂娶之 杜祁公衍少時客濟源有縣令
能相人厚遇之與縣之大姓相里氏議婚不成衍亦別
娶久之妻死令曰相里女子當作國夫人矣相里兄弟
二人前却祁公議者兄也令召其弟曰秀才杜君人材
足依也當以女弟妻之議遂定其兄尤之弟曰杜君令
之重客令意其可違乎兄悵然曰姑從之俾教諸兒讀
書耳祁公未成婚赴試京師登科相里之兄厚資往見
公曰婚已定議其敢違某既出仕頗憂門下無與教兒

讀書者爾凡遺悉却之相里之兄大慙以歸祁公以兩

郊恩任相里之弟後官至員外郎

以上三條
事文類聚

杜祁公

衍既貴有女其夫人鍾愛衍以文章器業無如蘇舜欽

乃以女妻之

彙苑

富文忠公常謂邵伯溫曰晚娶甚善

可保養血氣專意學問吾年二十八登科後方娶先公

先夫人時未第沒不許娶

事文類聚

范文正公子純仁娶

婦或傳婦以羅為帷幔公不悅曰羅綺豈帷幔之物耶

吾家素清儉安得亂吾家法持至吾家當火於庭

范

蜀公鎮少學於鄉先生龐直溫直溫之子昉卒於京師

公娶其女為孫婦養其妻子終身

二條山堂肆考

程明道顥

十歲能為詩賦羣居庠序中如老成人戶部侍郎彭思

永至學舍一見異之許妻以女

景苑

宋華陰呂公聘里

中女既中第女家曰吾女聘而後盲敢辭呂曰既聘而

後盲君不為欺又何辭遂娶之生五男子皆中進士第

其一人丞相汲公也

合辭事類

宋劉廷式本田家子鄰舍

翁有女約與為婚契闊數年廷式登第歸鄰翁已死女

因病雙瞽廷式使人申前婚女家辭以疾且以傭耕不敢姻士大夫廷式曰與翁有約豈可以翁死女疾而背之卒與成婚閨門極睦凡生數子廷式常坐小譴監司嘉其美行遂爲之闊略其後妻死哭之甚哀蘇軾高其行爲文以美之

婚姻三

原合好

和成

禮記昏禮者將合二姓之好鄭康成曰媒之言謀也謀合異類使和成也

附遠

厚別

郊特牲取於異姓所以附遠厚別也

待禮

備物

詩綢繆束

新三星在天毛萇傳三星參也在天始見東方男女待禮而成若新婦待人而求也 一物不具一禮不備

守節持義不往詳婚姻二 **親成判合** 又周禮大司徒親成男女

成名已上皆書年月日以名焉令男三十而娶女二十而嫁注泮半也得偶為合主合其半成夫婦也

委禽 **贅雁** 左傳鄭徐吾犯之妹美公孫楚聘之公孫黑又使強委禽焉又崔駰婚禮文委禽奠

雁配以鹿皮一 **結帨** **施鞶** 皇甫謚女怨詩婚禮儀禮詳婚姻一下 既定婚禮臨成施衿

結帨三命丁寧 穀梁傳女嫁父戒之曰謹慎從爾男之言毋戒之曰謹慎從爾姑之言諸母施鞶紳戒之曰

謹慎從爾父母之言徐邈注鞶佩囊 **結褵** **施衿** 謹紳帶也諸母為施鞶帶又戒之也 親

結其褵九十其儀傳褵婦人之禧禪香纓也 **百兩** 女將嫁母結褵而戒之也 下詳結帨注

三周

詩之子于歸百兩御之毛傳兩乘也諸侯之子嫁于諸侯送迎皆百乘也下昏禮詳婚姻一

御輪

秣馬

上昏禮詳婚姻一詩

宋子

齊姜

詩

其取妻必齊之姜豈其取妻必宋之子

取女

歸妹

易咸卦取女吉豕曰咸感也柔上而

剛下二氣感應以相與又歸妹象辭愆期之志有待而行也

相求

不賀

詩嘒嘒草蟲超

超阜螽鄭箋草蟲鳴則阜螽躍而從之異種同類猶男女嘉時以禮相求呼也下郊特牲詳婚姻一

奠菜

采蘋

儀禮婦人三月乃奠菜祝稱婦之姓曰某氏來婦敢奠嘉菜於皇舅某子皇姑某氏

婦拜扱地注奠菜以筐祭菜也蓋用董扱地手至地也猶男子稽首詩于以采蘋南澗之濱于以采藻于彼

行潦鄭箋蘋之言賓也藻之言澡也婦人之行尚柔順貴潔清故取以為戒

爾室

我儀

詩宜爾室家
又實維我儀

彰物

告虔

左傳男贄大者玉帛小者禽鳥以彰物也女贄不過

榛栗棗修
以告虔也

匪寇

有客

易匪寇婚就婚也

禮賀娶妻曰聞子

有客使
某羞

反馬

用羊

左傳既嫁三月而反馬

晉書

始也
好逑

嘉禮

詩君子好逑注逑冠昏嘉禮

新婚

舊姻

詩

爾新婚又
不思舊姻

潘楊

劉范

潘岳作楊仲武誄曰潘楊之睦有自來矣左傳劉氏范

氏世為
婚姻

朱張

王滿

侯景求娶於王謝梁武帝曰王謝門高非偶可於朱張以下訪

之齊沈約彈王源嫁女與滿璋男鸞文曰璋之下錢五萬源以所聘餘直納妾王滿連姻實駭物聽潘楊之

睦有異
於此

增相攸

求助

詩為韓姑相攸禮記祭統國君娶夫人之詞曰請君之

玉女與寡人共有敵邑事
宗廟社稷此求助之本也

乘龍

射雀

上桓馬事詳
婚姻二合

壁事類唐高祖寶皇后父毅嘗謂妻曰此女有奇相何
可妄與人因畫二孔雀於屏間請婚者射二矢陰約中

目則得之射者閱數十皆不合
高祖最後各中一目遂歸之

跨鞍

牽絲

山堂肆
考五代

劉岳書儀今士族當婚之夕以兩椅相背置一馬鞍令
婿坐其上飲以三爵女家遣人三請而後下謂之上高

座又曰唐宰相張嘉貞有五女各持一絲在幔後令
郭元振前牽之得者為婦元振見絲有五色牽一紅絲

遂得第
三女

葭莩

瓜葛

漢書董賢無葭莩之親葭蘆也
莩者蒲中白皮言其薄相附者

似世說相與
有小葛

鳳占

龜卜

左傳齊懿氏卜妻敬仲占
曰鳳凰于飛和鳴鏘鏘

又晉獻公將納驪姬卜之不
吉筮之吉卜人曰筮短龜長

嘉禾

雙石

酉陽雜俎
近代婚禮

納采有合惟嘉禾阿膠九子蒲朱葦雙石綿絮長命縷
乾漆九事膠漆取其固綿絮取其調柔蒲葦取其心可
屈可伸嘉禾分福也
雙石義在兩固也

賣犬

牽羊

合璧事類吳隱之
將嫁女謝石知其

素貧遣女必當率薄乃令移厨帳助其經營使者至見
婢牽犬賣之此外蕭然無辦山堂肆考南宋孔淳之
與徵士王敬宏為方外之交敬宏以女適淳之子尚以
烏羊繫所乘車轅提壺為禮至則盡歡共飲迄暮而歸
提壺 刈帚 提壺為禮詳上注 山堂肆考庾袞兄

之 結髮

繫臂

程伊川云古詩結髮為夫妻只稱其
幼小言初上頭時非謂合髻子也

山堂肆考曰繫臂紗始於晉武帝選士庶女子有姿色
者以緋綠繫其臂今定親之家亦有云繫臂者續古事
也杜牧之詩絳
縷猶封繫臂紗

王謝

朱陳

上見前朱張注 徐州
豐縣有朱陳村一村惟

兩姓世為婚姻

奇表

良配

吳蒼梧太守甘公見陶謙有奇表許妻以女詳女壻類彙苑

段儀云吾女志行不凡故踟躕以擇良配

原辭父母

遠兄弟

丁儀婦賦曰惟女子

之有行信異代之彛倫辭父母而言歸奉君子之清塵詩女子有行遠父母兄弟鄭箋婦人有出嫁之道遠

於親故禮緣人情使得歸寧也

執巾櫛

備灑埽

左傳晉太子圉為質於秦將逃歸謂

嬴氏曰與子歸乎對曰子晉太子而辱於秦子之欲歸不亦宜乎寡君之使婢子侍執巾櫛以固子也從子而

歸棄君命也不敢從亦不敢言杜預注嬴氏秦所妻子固懷嬴也下曲禮詳婚姻一

奉清塵

委薄軀

曹植出婦賦云妾十五而束帶辭父母而適人以才薄而質陋奉君子之清塵又慙志

賦云妾穢宗之陋女蒙日月之餘暉委薄軀於貴戚奉公子之裳衣

增連捲柳

納櫝

榔唐人婚禮多用百子帳其制捲柳為圈以相連鎖可
以張闊為其圍之多也故以百子總之非真有百圍

也山堂肆考南蠻歌羅國其俗
嫁娶者納檳榔或多至三百盤
婚名族慕著姓

景苑唐李日知貴諸子方總角皆通婚名族時人譏之
李懷遠與李林甫善常慕山東著姓為婚姻引就清

列第房望求門甲
合璧事類唐初王妃主壻皆取
當世勲貴名臣未嘗尚山東舊

族後房元齡魏徵李勣復與婚故望不減然每秩第其
房望雖一姓中高下懸隔李義府為子求婚不得始奏

禁焉其後天下衰宗落譜皆稱禁婚家益自貴張說
好求山東婚姻與張氏親者皆為門甲四姓鄭氏不離

榮陽周頭盧潭底李
求小姓妻貧士
山堂肆考吳
虞翻與弟書

曰吾子容當為求婦其父如此誰肯嫁之遠求小姓足
使生子天其福人不在貴族揚雄之才非出孔氏虞世

家法反生瘋子 白厚貧士取富室劉純才女送烏瑞
十事趙紙為書劉大笑答以真珠一升紫鴨千頭又使

家僮撒燭花 妻孝子 配名士 山堂肆考劉殷張宣
盈路厚大慙 子以女妻之戒其女

曰劉殷至孝冥感才識超世終必遠到汝謹事之合
鮮事類越州山陰吳氏女父母愛之謂必得名士方可

為配李夔之名聞朝廷 拔小吏 娶盲女 鄭康成別
繼擢高第遂以妻之 傳尚書左

丞同縣張逸年十三為縣小吏康成謂曰爾有贊道之
贊能為書生以成爾志否對曰願之遂拔於其輩妻以

弟女 劉廷式周恭叔 下鏡臺 還剪刀 上溫嶠事
皆娶雙瞽女詳婚姻二 詳婚姻二

南史江祐求范雲女為婚酒酣巾箱中取剪刀與雲
曰且以為聘雲笑受之至祐貴雲曰荆布之室理隔華

威因出剪刀還 藕花愁 桃花笑 合璧事類曰漁隱
之祐更姻他族 叢話宋王氏女幼

聰慧父母擇配未偶壯年不嫁作詠懷詩云白藕作花
風已秋不堪殘睡更回頭晚雲帶雨歸飛急去作西窓

一夜愁趙德麟方鰥居見此詩遂求婚人以為此二十
八字媒也劉敞晚娶歐陽修以詩戲之云仙家千載

一何長浮世空驚日月忙洞裏桃花莫相笑劉郎今是老劉郎
納小妹娶小姨又

李行修娶王仲舒女其後女亡仲舒託行脩續親夢女
曰可納小妹李遂續王氏婚歐陽修與王拱辰皆薛

簡肅奎壻脩先娶長女拱辰娶其次後修再娶其
妹故有舊女壻為新女壻大姨夫作小姨夫之戲繫

赤繩遇綠衣月下老人言囊中赤繩一繫終不可易詳月
雖仇家異域此繩一繫終不可易詳月

老註素苑來貞女淵澄幼隨母出遇綠衣童過後以
明並日月句擇壻得張美男對岳重丘山遂許妻即前

遇童續弦膠脩月斧合辭事類曰有獻膠漢武帝
也者帝以續弦名驚膠今取為

續婚之喻 又曰王安石詩玉斧
脩成寶月圓月邊仍有女乘鸞

原共牢而食合

色而醕

並是昏禮一詳婚姻一
共牢是同一牲醴合
色是取一瓢斷為兩杯以酌酒醕飲酒也

男

女以正

父子以親

詩序男女所以正婚姻以時
昏義昏禮所以成男女之別立夫
禮記

婦之義也男女有別而後夫婦有義夫婦有義而後父
子有親父子有親而後君臣正故曰婚者禮之本也

仲春成婚

霜降送女

周禮媒氏職仲春之月會合
男女鄭注仲春陰陽交以成

婚

禮順天時一也

皆以秋冬

必用昏昕

聖證論嫁娶
古人皆以秋

冬詩東門之楊其葉牂牁毛萇傳男女失時不逮秋冬
也儀禮昏禮凡行事必用昏昕鄭注用昕使也用昏

壻也謹按遣使行元纁吉禮
必用昕時親迎乃用昏時

禮有四備

幣象五行

殺梁傳公如齊納幣納幣大夫之事也禮有納采有問
名有納徵有告期四者備而後娶禮也公之親納幣非
禮也故譏之周禮媒氏職凡嫁子娶妻入幣純帛無
過五兩鄭注納幣用緇婦人陰也凡娶禮必用其類五
兩一端也必言兩者欲得其配合
卜死議生投心
之名十者象五行十日相成也

委命

詩娶妻如之何必告父母傳云必告父母廟鄭箋
娶妻之禮議於生者卜于死者此之謂告傳休

奕樂府男當進日女適
人投心委命誰受身

增立輅駢馬

羅帷寶扇

通典

漢平帝詔光祿大夫劉歆等雜定婚禮四輔公卿大夫
博士郎吏家屬皆以禮娶迎立輅駢馬注輅立乘小車
也駢馬驪駕也王維詩羅帷
送上七香車寶扇迎歸九華帳
練裳竹筥寶帳青

廬

山堂肆考東漢逸民戴良有五女皆以練裳布被竹
筥木履遺之景苑拖帳謂之寶帳北方用青布幙

為室謂之青廬

用吉不可

冒山未聞

合葬事類曰五代唐明宗見鄭餘慶所為

書儀有冥婚之制歟曰婚吉禮也又曰張孝忠子茂宗尚義章太常卿劉岳增損其書

公主母亡遺言丐成禮帝念孝忠功即日召為左衛將軍許主下降蔣人上疏以為墨緣禮本緣金革未有奪

喪尚主者帝曰今俗借吉而婚不為少對曰但室窮人子旁無至親乃有借吉以嫁不聞男冒山而娶公主春

秋尚少且待年不為晚又衡山公主既服除將下嫁于志寧曰服可以例除情不可以例改心喪成婚非人情

所投卷得妻

因詩納壻

李山堂肆考唐盧僭投卷謁李翱尚書翱長女年及笄

見卷曰此人必為狀頭李聞之乃納為壻來年果狀頭及第作催粧詩曰昔年將去玉京遊第一仙人許狀頭

今日已成秦晉會早教鸞鳳下妝樓合璧事類韓琦知中山李清臣謁見其姪吏報曰太祝方寢清臣為絕

句曰公子乘閒臥絳厨白衣老吏慢寒儒不知夢見周公否曾說當時吐哺無琦見詩曰吾知此人久矣竟有東床之選

假幣以聘

齋裝以迎

陳平貧張負乃假幣以聘予酒肉之資以納婦

唐裴寬齋裝迎魏氏女詳婚姻二

姊妹妯娌

兄弟婚姻

合驛事類曰崔休弟

之子隱娶刺史盧尚之長女休爲子俊求其次女曰家道多由婦女欲令姊妹妯娌尚之感其義於是同日出婚郭逸有二女長女妻崔浩次女復妻其弟賦詩曰兄弟婚姻無胥遠矣

帝后戚屬

臺省姻聯

彙苑寶威在唐帝嘗引入卧内謂曰昔周有八柱國吾與公家是也今我爲天子而公爲

內史令事固有不尊者威懼頓首謝曰臣家在漢再爲外戚至元魏有三皇后今陛下龍興臣復以姻戚進夙夜懼不克任帝曰公以三后族夸我耶關東人與崔盧婚者猶自矜大公世爲帝戚不亦貴乎合驛事類李

敬之進吏部尚書凡三娶皆山東舊族又與趙李氏合譜故臺省要職多族屬姻家

女妻外甥

女嫁母黨

事文類聚曰王仙客劉振之甥也振有女曰無雙幼擇許婚振妻嘗呼仙客為王郎

子又曰蘇洵女幼而好學能文適其母之兄程潛之子之才詩曰汝母之兄汝伯舅求以厥子來結姻鄉人嫁娶重母黨雖我不肯將安云

坦腹女婿

接脚夫人

上詳婿類合詳事類唐

白敏中始娶己朱紫矣嘗戲其妻曰接脚夫人

姚合獎詩

劉昫愛才

彙苑給事

中姚合有詩名士多歸重李頻走千里丐其品題大加獎挹以女妻之

合璧事類李象字昭文應進士登第

宰臣劉昫愛其才以猶女妻之

蕭郎陸郎

七姨九姨

又曰蕭嵩與陸象先為僚

壻宣州夏榮善紀曰陸郎十年位極人臣然不及蕭郎一門盡貴事文類聚劉龍圖曄未第前娶尚書趙晃

長女早亡有二妹皆未適人既而劉登科是已捐館夫
人復欲妻之使媒妁適意劉曰若言武有之德則不敢
為姻如言禹別之州則庶可從命蓋劉意不欲七姨欲
九姨也夫人曰諺云薄餅從上揭劉郎纔及第豈得便
揀點人家女劉曰非敢有擇但七姨骨相寒薄遂娶九
姨後生七子幾忱皆至大官七姨後適關生落泊寒餒
劉氏養原三日不舉樂三夜不息燭並禮記詳
之終身

天子嫁女 皇后娶婦 增天子娶婦 皇后嫁女 彙

唐中宗時蕭至忠以女妻韋后舅崔從禮子帝主蕭后
主崔時謂天子嫁女皇后娶婦合璧事類宋英宗於

仁宗為從子宣仁后於光獻為甥自幼同鞠禁中會溫
成有寵英宗遂還宮岷宣仁亦歸其家洎溫成薨仁宗

謂光獻曰吾夫婦老無子舊養十三滔滔各已長立朕
為十三后為滔滔主婚使相嫁娶十三英宗行第滔滔

宣仁小字也時宮中謂
天子娶婦皇后嫁女

婚姻四

原陰禮

周禮以陰禮教親則人不怨注陰禮男

大綱

王吉以夫婦為人倫之大綱天壽之萌世俗婚姻太早未知為人父母之道而有子故人多天

思義

郊特牲婚禮不用樂幽陰之義也注欲令子婦深思其義

遠恥

稱公羊傳婚禮不

授室

郊特牲舅姑降自西階婦降自阼階授之室也

繫纓

曲禮女子許嫁人

之禮物後漢禮物以元纁羊雁清酒白酒粳米稷米蒲葦卷柏嘉禾長命縷膠漆五色絜合歡鈴

九子墨金錢祿得香草鳳凰舍利獸駕鵞受福獸魚鹿鳥九子婦陽燧鎖言物之所象者元象天纁法地羊者

祥也。羣而不黨。雁則隨陽。清酒降福。白酒歡之。由粳米養食。稷米粢盛。蒲采多性。柔葦采之久。卷柏屈卷。附生

嘉禾。須祿長命。縷縫衣。延壽膠。能合異類。漆內外。光好五色。絲章采。屈伸不窮。合歡鈴音聲和諧。九子墨長生

子孫金錢和明。不止祿得香草為吉祥。鳳凰雄雌仇合。舍利獸康而謙。鴛鴦飛止。須匹鳴則相和。受福獸體恭

心慈。魚處淵無射。鹿者祿也。烏知反哺。孝於父母。九子婦有四德。陽燧成明。安身又有丹為五色之榮。青為色

首東。方始。戒命。戒儀禮父送女命之曰近日。禮吉事卜

及時。男女得嘉耦。左傳嘉耦曰仇正室。鍾繇老而納正室

造端。禮造端重責。本于婚。姪以著男先女。迎男先

於女剛。女從人。女子從娶巫家。漢黃霸為陽夏游徽與善相者共載

見一婦人相者曰此婦人合富貴霸推問乃鄉里巫家女也遂娶之後位至丞相

娶高國左傳

齊伐晉夷儀敝無存之父將室之辭以與其弟曰此役也不死反必娶於高國高國貴族也

執俎

豆韓延壽為潁川定嫁娶喪祭儀品今文學校官諸生皮弁執俎豆為吏民行嫁娶禮

用皮馬

晉所司奏婚禮大婚用元纁束帛加圭馬二駟王侯元纁束帛加璧乘馬大夫元纁束帛加羊古以皮馬為庭

實天子加穀圭諸侯加大璋

欲繁息

漢惠詔女子十五以上至三十不嫁五筭欲人繁息句踐

令國中女子十七不嫁罪父母

恐遲暮

離騷恐美人之遲暮及年歲之未晏

求繫援

國語董叔將取於范氏叔向曰盍已乎曰欲為繫援它日訢於范獻子曰不吾敬也獻子執而紡於庭之槐叔

向過之曰盍為我請乎叔向曰求繫既繫矣求援既援矣欲而得之又何請焉

共慶會

彪晉之

曰賀娶妻者是因酒食而有慶語愚謂
無直相賀之禮而有禮既共慶會之義
省俸賑為任延

真太守駱越俗無嫁娶禮延令男年二十至五十女年
十五至三十相匹配貧無聘財者令長吏已下省俸祿

賑婚
歛錢助
錢為助皆名士也有求入錢不得者

鹿皮為禮
古史考嫁娶
皮帛可制
儀禮婚禮皮帛必

皮束
帛也
四爵合
凡儀禮鄭注各三醕一升曰爵
三

王陶匏
郊特牲三王作牢用陶匏鄭注太古無共牢之
禮三王之世作之而用太古之器重夫婦之始

也
執贄相見
言不取執贄以相見敬章別也鄭注
執

筭以見
禮記昏義婦執筭棗栗服墜以見謂
婦見舅姑之禮筭竹器盛棗栗者
諸娣如

雲

大雅諸娣從之祁祁如雲韓侯顧之爛其盈門

其從如水

詩齊子歸止其從如水傳如水

喻衆

皇駁其馬

東山篇之子于歸皇駁其馬傳黃白曰皇駮白曰駁鄭箋謂始嫁時車服

之威

饋以特豚

禮記昏義舅姑入室婦順者供養之婦順也鄭注以饋明婦順者供養之

禮主於孝順也

眷以嘉姻

潘岳懷舊賦余總角而獲見承燕侯之清塵名余以國士眷余以嘉

姻

聘以萬金

漢舊儀皇帝聘皇后以金萬斤

懸蘿附松

丁儀寡婦賦如懸蘿

之附

慶雲光覆

潘岳寡婦賦伊女子之有行兮爰奉嬪于高族承慶雲之光覆荷君子之

惠

送姜于謹

穀梁傳齊侯送姜氏于謹禮送女父不

送女踰境

娶于塗山

書娶于塗山辛壬癸甲

燕婉之求

詩新臺篇

秦晉之匹

左傳秦晉匹也何以卑我

荒政多婚

周禮荒政十曰多婚注荒年不

備禮婚姻也古者國有凶荒則殺禮而多婚會男女之無室家者所以蕃育人民

苛政禁賀

漢宣帝詔郡國二十石或擅爲苛政禁人嫁娶不得具酒食相賀由是廢鄉里之禮令民無所樂非所以導民也其勿
遂人樂擾周禮遂人以樂婚擾也
長吏配嫁

晉書武帝制女年十七父母不嫁使長吏配嫁

增桂近嫦娥

合璧事類彙編娶蕭安女言定

未幾推第羅隱贈詩云細看月輪還有意定知青桂近嫦娥

鷺鳴相府

韓愈送陸暢詩舉舉

江南子各以能詩聞一來取高第官佐東宮軍迎婦丞相府誇映秀士羣鷺鳴桂樹間觀者何紛紛

碧

雞蓮幕

蔡君謨娶葛常之祖姑清源君已而赴漳南幕常之曾祖通議贈詩云藻思舊傳青管夢哲科

欽定四庫全書

御定四庫全書

卷一百七十五

三

新試碧雞才乍依仲實蓮
花幕更下溫郎玉鏡臺

甲帳繡襦一丈簫
歌曰若能

相伴陟仙壇應得文簫駕彩鸞
有繡襦并甲帳瓊臺不怕雪霜寒

里民破酒
孔帖韋

州刺史初里民婚出財會賓客號破酒
多至數百人力不足則不迎宙至始革其俗
夜集

障車

邀食
唐紹上言士庶親迎時有障車邀其酒食
以為戲樂多集徒侶遮擁道路請禁之

夢壻

密州
事文類聚蘇軾曰予為密州王
告同舍生曰吾夢為密州壻何也已而未嘗相識忽

女妻
夢婦始生
彙苑云崔元琮娶婦吉日已定忽夢
人云此家女非君婦君之婦今日始

生
原溫如蒲葦固以膠漆
禮崔駰始
一與之齊終身

不改
見禮記郊特牲
鄭注齊或為醢
布幣五兩
御輪三周
婚以

禮成 妻由義合 是稱家事 必慎令儀 衿鞶展
慶 榛栗告虔 女既辭家 婦將授室 人倫所資
伉儷斯重 體齊一行 義存偕老 婚惟著代
禮貴及時 聘則爲妻 廟見爲妻 遵附遠之文
卜先近之日 桃李恐失當年 榛栗遂移他族 既
繫許嫁之纓 遂執告虔之誓 形分一氣乾坤爲八
卦之門 人列三才夫婦爲五倫之首

婚姻五

原詩後漢秦嘉述婚詩曰羣祥既集二姓交歡敬茲新
姻六禮不愆羔雁總備玉帛戔戔君子將事威儀孔閑
猗兮容兮穆矣其言 又曰紛彼婚姻禍福之由衛女
興齊褒姒滅周戰戰兢兢懼德不仇神啟其吉果獲令
攸我之愛矣荷天之休 晉張華感婚詩曰駕言遊東
邑東邑紛攘攘婚姻及良時嫁娶避當梁窈窕出閨女
燕婉姬與姜素顏發紅華美目流清揚韡韡衆親盛於
我猶若常譬彼暮春草榮華不再陽 梁何遜看新婚

詩曰霧夕蓮出水霞朝日照梁何如花燭夜輕扇掩紅粧良人復灼灼席上自生光所悲高駕動環珮出長廊
劉瑗詠左右新婚詩曰小史如初日得婦類行雲琴

聲妾曾聽桃子墀經分蛾眉參意畫繡被共籠薰偏增使君妬無趣遣相聞 陳周宏正看新婚詩曰莫愁年十五來聘子都家墀顏如美玉婦色勝桃花帶啼疑暮雨含笑似朝霞暫却輕紈扇傾城判不賒 唐楊師道初宵看婚詩曰洛城花燭動戚里畫新蛾隱扇羞應慣

含情愁已多輕啼濕紅粉微睇轉橫波更笑巫山曲空
傳暮雨過 褚亮詠花燭詩曰蘭迳香風滿梅梁暖日
斜言是東方騎來尋南陌車靨星臨夜燭眉月隱輕紗
莫言春稍晚自有鎮開花 陳子良七夕看新婦隔巷
停車詩曰隔巷遙停憶非復爲來遲只言更尚淺未是
渡河時 鄭翼看新婦詩曰初笄競桃李新粧應標梅
疑逐朝雲去翻隨暮雨來雜珮含風響叢花隔扇開姮
娥對此夕何用久徘徊 李百藥戲贈潘徐城門迎兩

新婦詩曰秦晉稱舊匹潘楊有世親三星宿已會四德
婉而嬪雲光鬢裏薄月影扇中新年華與粧面共作一
芳春 鄭軌觀兄弟同夜成婚詩曰棠棣開雙萼夭桃
照兩花分庭合珮響隔扇偶粧華迎風俱似雪映綺共
如霞今宵二神女并在一仙家 增梁沈約詠少年新
婚詩曰山陰柳家女薄言出田野丰容好姿顏便僻巧
言語紅輪映早寒畫扇迎初暑錦履並花紋繡帶同心
菅羅襦金薄側雲鬢花釵舉我情已鬱紆何用表崎嶇

託意眉間黛，中心口上朱。莫爭三春價，坐喪千金軀。盈
尺青銅鏡，徑寸合浦珠。無因達往意，欲寄雙飛鳬。裾開
見玉趾，衫薄映凝膚。羞言趙飛燕，笑殺秦羅敷。自顧雖
悴薄，冠蓋曜城隅。高門列駟駕，廣路從驪駒。何慙鹿盧
劍，詎減府中趨。還家問鄉里，詎堪持作夫。唐張說送
人成婚詩曰：婚禮知無賀，承家歎有輝。親迎驪子躍，吉
兆鳳雛飛。溫席開華扇，梁門換褰衣。遙思桃李日，應賦
採蘋歸。孟浩然送桓子之郢成禮詩曰：聞君馳綵騎，

蹀躞指荆衡為結潘楊好言過鄢郢城標梅詩有贈羔
雁禮將行今夜神仙女應來感夢情 岑參送陝縣王
主簿赴襄陽成親詩曰六月襄山道三星漢水邊求凰
應不遠去馬贖須鞭野店愁中雨江城夢裡蟬襄陽多
故事為我訪先賢 杜甫李監宅詩曰尚覺王孫貴豪
家意頗濃屏開金孔雀褥隱繡芙蓉且食雙魚美誰看
異味重門闌多喜氣女壻近乘龍 王昌齡蕭駙馬花
燭詩曰青鸞飛入合歡宮紫鳳銜花出禁中可憐今夜

千門裏銀漢星回一道通 盧綸送黎兵曹往陝結親

詩曰郎馬兩如龍春朝上路逢鴛鴦初集水薜荔欲依

松步帳歌聲轉粧臺燭影重何言在陰者得是戴侯宗

所婚即君從母女弟

又王評事駙馬花燭詩曰萬條銀燭引天

人十月長安半夜春步障三千隘將斷幾多珠翠落香

塵 比翼和鳴雙鳳凰欲棲金帳滿城香平明却入天

泉裏日氣瞳矐五色光 徐安期催粧詩曰傳聞燭下

調紅粉明鏡臺前作好春不須滿面渾粧却留着雙眉

待畫人 唐雲安公主下嫁詔陸暢作催粧詩曰雲安

公主貴出嫁五侯家天母親調粉日兄憐賜花催鋪百

子帳待障七香車借問粧成未東方欲曉霞 內人以

暢吳音捷才以詩嘲之曰十二層樓翠倚空鳳鸞相對

立梧桐雙成走報監門衛不許吳歛入漢宮

或云宋若蘭姊妹作

暢酬曰粉面仙郎選正朝偶逢秦女學吹簫須教翡

翠聞王母不奈烏鵲噪鵲橋

六宮得詩大哈別賜宮
錦標柳餅唾盂各一

白居易議婚詩曰天下無正聲悅耳即為娛人間無正

色悅目即為姝顏色非相遠貧富則有殊貧為時所棄
富為時所趨紅樓富家女金縷繡羅襦見人不斂手嬌
癡二八初母兄未開口已嫁不須史綠窓貧家女寂寞
二十餘荆釵不直錢衣上無真珠幾聞人欲聘臨日又
踟躇主人會良媒置酒滿玉壺四坐且勿飲聽我歌兩
途富家女易嫁嫁早輕其夫貧家女難嫁嫁晚孝於姑
聞君欲娶婦娶婦意何如又朱陳村詩曰徐州古豐
縣有村曰朱陳去縣百餘里桑麻青氛氲縣遠官事少

山深人俗淳有財不行商有丁不入軍家家守村業頭
白不出門生為陳村民死為陳村塵田中老與幼相見
何欣欣一村惟兩姓世世為婚姻親疎居有族少長遊
有羣黃雞與白酒歡會不隔旬生者不遠別嫁娶先近
鄰死者不遠葬墳墓多遠村旣安生與死不苦形與神
所以多壽考往往見元孫 宋徐鉉陳侍郎宅觀花燭
詩曰今夜銀河萬里秋人間織女嫁牽牛珮聲寥亮和
金奏燭影熒煌映玉鈎座客亦從天子賜更籌須為主

人留世間盛事君知否朝下鸞臺夕鳳樓 明宋濂送
編修張藻仲還家畢姻詩曰少年歸娶奉金鑒喜得天
顏一笑看紅錦裁雲朝奠雁紫簫吹月夜乘鸞靈椿堂
上承中饋寶鏡臺前結合歡從此梅花消息好青綾不
似玉堂寒

原賦後漢蔡邕協和婚賦曰惟性情之至好歡莫偉乎
夫婦受精靈之造化固神明之所使事深微以元妙實
人倫之端始考邃初之原本覽陰陽之綱紀乾坤和其

剛柔良允感其胸腓葛覃恐其失時標梅求其庶士惟
休和之盛代男女得乎年齒婚姻協而莫違播欣欣之
繁祉良辰既至婚禮以舉二族崇飾威儀有序嘉賓僚
黨祁祁雲聚車服照路駟騑如舞既臻門屏結軌下車
阿傳御豎雁行蹉跎麗女盛飾曄如春華 魏陳王曹
植感婚賦曰陽氣動兮淑清百卉鬱兮含英春風起兮
蕭條蟄蟲出兮悲鳴顧有懷兮妖嬈用搔首兮屏營登
清臺以蕩志伏高軒而遊情悲良媒之不顧懼歡媾之

不成慨仰首而太息風飄飄以動纓 晉張華感婚賦

曰方今歲在己巳將次四仲婚姻者競赴良時繁麗之
觀相繼於路嫁娶之會不乏乎目乃作感婚賦曰彼婚
姻之俗忌惡當梁之在斯逼來年之且至迨星紀之未
移窈窕初茂玉質始盛容華外豐心神內正接軫連騎
隱隱習習充街塞里暉曜城邑相麗姿之綽約兮遙髣
髴以感心怨佳人之幽翳兮恨防檢之高深

原箴晉摯虞新婚箴曰今在哲人室家不造結髮之麗

不同偕老既納新配內芬外藻厚味腊毒大命將天色
不可耽命不可輕君子是憚敢告後生 潘岳荅摯虞
新婚箴曰先王制禮隨時為正俯從企及豈乖物性女
無二歸男有再聘女實存色男實存德德在居正色在
不惑新舊兼宏義申理得然性情之際誠難處心君子
過慮爰獻明箴防微測顯文麗旨深敬納嘉誨敢酬德
音 王廙婦德箴曰團團明月魄滿則缺亭亭陽暉曜
過則逝天地猶有盈虧況華艷之浮華是以淑女鑒之

戰戰乾乾相彼七出順此話言懼茲屋漏畏斯新垣在
昧無愧幽不改虔

原啟梁劉孝儀為王儀同謝國姻啟曰即日主書王靜
民宣敕安吉主降嬪臣第三息實臣素里庸族蓬衡賤
品事隔伊緡之禮望絕下嫁之姬而聖慈猥洽皇姻曲
逮荆布陋飾已膺凡獎負薪微屑復降肅雖頻煩叨荷
外內榮抃

原教梁簡文帝資遣孔燾二女教曰夫思人生至輕事

惟悼往表閭式墓義匪字孤至如游殷之息見撫張旣
橋元之子受託魏王斯故美在令終愛兼身後故無錫
令孔燾經術宏長志履貞槩遊處積年一朝長往聞其
在室二女並未有行可廣訪姻家務求偶對

增疏宋丁隲疏曰臣竊聞近年進士登科娶妻論財全
乖禮義衣冠之家隨所厚薄則遣媒妁往返甚于乞丐
小不如意棄而之他市井駟僮出捐千金則貿貿而來
安以就之名掛仕版身被命服不顧廉恥自為得計玷

辱恩命虧損名節莫甚于此筮仕之初已為汚行推而從政貪墨可知臣欲乞下御史臺嚴行覺察如有似此之人以典法從事庶幾淳厚風教以懲曲士

增戒宋邵雍女戒曰婦道之常順惟厥正是曰天明是其帝命嘉爾婉婉克安爾親往之爾家克施克勤爾順維何無違夫子無然皐皐無然訛訛彼是而違爾焉作非彼舊而革爾焉作儀

改舊乃汝
妄正制度

惟非惟儀女生則戒

王姬肅雍酒食是議貽爾五物以銘爾心錫爾佩巾墨

予誨言銅爾提匪謹爾賓薦玉爾奩具素爾藻絢枕爾

文竹席爾吳筦念爾書訓思爾退安彼實有室爾勿從

室不得從而遜爾提提提提安也爾生引逸

同姓婚

原韓姓左傳齊東郭偃對崔武子曰男女韓姓

去姓坊記以此坊民魯春秋猶去夫人之

姓曰吳其死曰孟子卒注同姓故也不蕃傳男女同姓其生不蕃

無義禮無別無義禽

道毀之不避宗左傳盧蒲癸臣子之妻之慶舍之士曰男女韓姓子不辟宗何也曰宗不余辟

余獨焉辟之賦詩斷章余取所求焉惡識宗注子之慶舍言已有求於慶氏不能復顧禮如賦詩者取其一章

而已
不書姓
吳傳曰昭公娶于

儒不達禮
司空陳萊曰

儒而不達禮為子納司空王沈女以姓同源異

君不知禮
禮陳司空敗問昭公知

司敗曰君娶于吳為同姓謂之

異源而娶
咸女以為

源異不同

不知則卜

禮娶妻不娶同姓故買

內官

不及同姓

子產曰僑聞之內官不及同姓其生不

出

嗣而婚本族

魏志陳矯本劉氏子出嗣舅氏而婚本族

前事一

增男女不及

姓國語晉司空季子曰同德則同

則異姓異姓雖

崔盧非古

文中子曰任薛王劉崔盧

任薛同出黃帝王劉同
出舜崔盧同出于帝嚳

辭婚

原非耦

左傳公之未昏于齊也齊侯欲以文姜妻鄭太子忽忽辭曰人各有耦齊大非吾耦也

亂倫

陸玩為侍中司空兄曄尚書僕射錄尚書事父英高平相玩子納尚書令王導初至江左請婚于陸

陸曰培塿無松柏薰蕕不同器玩不為亂倫之始

陳結婚

桓階字伯緒劉表欲妻之以姪女階

自陳結婚處拒不受

辭與弟

詳婚姻四

不疑固辭

漢雋不疑為京兆尹大將軍欲

以女妻之固辭

公明不娶

典略中官常侍唐衡欲以女妻汝南傅公明公明不娶轉以女妻荀

或或父緄慕衡勢誠或娶之為論者所譏裴松之云時閣監用事四海屏氣尤懼唐衡威權莫二順則六親以

安遠則大禍立至斯以存易亡之由昔蔣詡姻於王氏無損清高之操緼之此婚庸何傷乎

王謙

不許

後漢王謙為何進長史以謙名公之冑欲與為婚見其二子使擇焉謙不許

張範不

受

魏志張範字公儀表瑰欲以女妻範範辭不受

辱孫權使

孫權遣使為子索關羽女羽罵

辱其使
不許婚

嘉不疑傳

楊駿欲以女妻鄭默默辭曰每讀萬不疑傳嘗嘉之

不結

高門

魏志賈詡嫁妻不結高門天下論智計者歸之

不肯易妻

守宏事詳公主

悔

婚

王褒字偉元與管彥為友約男女為婚彥後葬父於洛陽褒遂別嫁其女謂彥弟馥曰昔嫁姊妹皆遠吉

凶斷絕今賢兄葬父洛陽則京邑之人豈吾結好之意哉馥曰嫂是齊人也當還齊褒曰豈有葬父洛陽而隨

妻還齊如此去就復何婚之有

諫婚

晉劉實妻卒華氏將以女妻實弟智諫曰華家貧類必汙門戶

實辭不得已竟婚而生子夏實後坐夏受賂免官頃之為大司農又以夏犯罪免官

增不婚匪

類

天中記王元規八歲而孤兄弟三人隨母依舅氏往臨海郡時年十二郡土豪劉瑱者資財鉅萬欲妻以

女母以其兄弟幼弱欲結強援元規泣請曰因不失親古人所重豈得苟安異壤輒婚匪類母感其言而止

追還在途

山堂肆考袁術為子娶呂布女後布怨術女已在途追還絕婚

不婚謝

哀

天中記諸葛恢大女適庾亮兒次女適羊楷亮子被蘇峻害改適江彪恢兒娶鄧攸女于時謝尚書哀求

其小女乃云羊鄺是世親江家我顧伊庾家伊顧我我不能復與謝哀兒婚

不婚桓溫

山堂

肆考王述子坦之為桓溫長史溫欲為子求婚於坦之及還省父述愛坦之雖長大猶抱寘膝上坦之因言溫

意述大怒遽排下曰汝竟癡耶詎可以女妻兵

江湛志義

宋書江湛為義康司徒主簿司空檀

道濟為子求婚不許義康有命又不從時人重其志義

江蒨方雅

梁書江蒨方雅有風格僕

射徐勉權重惟蒨及王規與抗禮勉因蒨門客翟景為子繇求婚於蒨蒨不答景再言之乃杖景四十由此與

忤伯奮拒婚之齊書王秀之字伯奮臨沂人褚淵見秀

府外兵叔通辭命齊春秋桓閭字叔通太祖輔政使

命曰辭霍不婚常所嘉挹齊大非耦所以不敢承殊眷恐呼白侯山堂肆考唐

常欲以進士侯溫為婿其妻盧氏曰已既姓白又以侯氏子為婿必為人呼作白侯耳敏中乃止託

賦鷄子簡賢之將妻以女越人舉進士文價高然鄂帥李

告而去詩云雲外星眸眾所歸摩天專待振毛衣虞人莫漫張羅網未肯平原淺草飛

媒

原匪斧

詩析薪如之何匪斧不克娶妻如之何匪媒不得

因針

淮南子線因針而入不因

針而急女因媒而嫁不因媒而親

夢冰人

晉索統字叔徹有孝廉令狐策夢立冰上與冰下人

語統曰冰上為陽冰下為陰陰陽事也士如歸妻迨冰未泮婚姻事也君在冰上與冰下人語為陽語陰媒介

事也君當為人作媒冰泮而成婚會太守田豹因策為子求張氏女仲春成婚

候元鳥

禮仲春之

月元鳥至祀高媒注元鳥燕也燕以求巢室有嫁娶之象媒氏為候也

無媒不交

禮男無女無

媒不交

因媒而嫁

詳上

增知名

曲禮男女非有行媒不相知名

掌判

周禮地官媒氏掌萬民之判

通辭

儀禮注未行納采已前男父先遣媒氏通辭女氏取陽唱陰和

之義導言楚辭理弱而媒拙 麴楚合周禮注媒謀也謀

齊人名麴楚 薑桂以合璧事類宋玉因楚襄王待之無

而生不因地而辛婦人因媒而嫁不 拙媒楚辭 鳩因媒而親子之事王未耳何怨於我

媒楚辭余令 蹇脩為理離騷經吾令豐隆乘雲兮求

兮吾令蹇脩以為理 良媒接歡洛神賦無良 不與

交禮家語孔子之郊遇程子于途顧為子路曰取束帛

君子不與交禮 不專嫁娶白虎通男不專娶女不專嫁必由

月老主婚續幽怪錄韋固少未娶旅次宋城遇老人

之書固曰然則君何主曰主天下之婚姻耳因問囊中赤繩曰以繫夫婦之足君妻乃此店北賣菜陳姬女固遂之菜市見姬抱二歲女亦陋老人指示固怒磨小刀付奴翊日刺于稠人中傷眉間後十四年固以父蔭參相州軍事刺史王泰妻以女年十六容貌端麗眉間常貼花鈿通問之曰妾郎守之猶子也父卒于宋城時方襁褓乳姬鬻蔬以給朝夕常抱於市為賊所刺痕尚在故貼花鈿固盡言與老人答問并磨刀傷女之事宋城牢間之名其

詩媒作合

二十八字媒

紅葉題詩

合

事類唐僖宗時于祐於御溝拾一紅葉題詩云流水何太急深宮盡日閑殷勤謝紅葉好去到人間祐題一葉云曾聞葉上題紅葉怨葉上題詩寄阿誰置溝上流為宮女韓拾之後祐託韓泳門館因帝放宮女三千人泳以韓有同姓之親作伐嫁祐及成禮各於筭中取紅葉相示曰事豈偶然乃前定也

桐葉題詩

山堂肆考蜀尚書侯繼圖本儒士一日秋風四起樓上倚欄有大桐葉飄墜上有詩云拭翠斂雙蛾為鬱心中事桐葉下庭除畫我相思字侯貯小貼凡五六年方卜任氏為婚嘗諷此詩任氏曰此妾書葉詩爭得在君處侯乃令書校之葉上無異

